

四庫全書

子部

欽定四庫全書

子部

圖書編卷七十二至四

詳校官中書臣孫衡

主事臣祁韻士覆勘

總校官進士臣朱鈐

校對官主事臣陳墉

謄錄監生臣王同獻

繪圖監生臣董椿

欽定四庫全書

圖書編卷七十二

明 章潢 撰

脈總論叙

脈者何也莫非氣乎氣為衛衛行脈外莫非血乎血  
為榮榮行脈中然則脈之一字果何物乎嘗試原之  
必有說矣蓋人之眇軀渾然中處吾身之氣血即天  
地之陰陽也天地之陰陽所以一升一降者必有主

宰者焉人身之氣血所以一周一轉者必有統御者  
焉知此則知脈矣古之脈字從血從辰所以使氣血  
各依分派而行經絡也今之脉字從月從永所以使  
肌肉以之長久而保天年也脉者有三一曰命之本  
二曰氣之神三曰形之道經所謂天和是矣至於折  
一肢瞽一目亦不能害生而脈不可須臾失矣失則  
絕命害生也春之生也吾之脈與天地之氣同升夏  
之長也吾之脈與天地之氣同浮秋之殺也吾之脈

與天地之氣同隆冬之藏也吾之脈與天地之氣同  
流分而言之曰氣曰血曰脈總而言之唯脈運行氣  
血而已是氣血盛則脈盛氣血衰則脈衰氣血和則  
脈平氣血亂則脈病氣血壯則脈大氣血微則脈小  
氣血熱則脈數氣血寒則脈遲長人則脈長短人則  
脈短性緊則脈緊性緩則脈緩室女尼則脈濡嬰  
兒稚子則脈急脈為氣血之體氣血乃脈之用也然  
則氣血能使脈之盛衰而氣血之盛衰則又以穀致

焉蓋穀入於胃脈道乃行穀氣多則氣血榮昌脈亦盛矣穀氣少則氣血微弱脈亦衰矣故經曰四時以胃氣為本脈無胃氣則死矣論而至此脈之一字豈非太乙天真之元氣乎

# 心脈之圖



心脈盛者寸口大一倍於人迎虛者寸口反小於人迎

小腸盛者人迎大一倍於寸口虛者人迎反小於寸口

心脈歌

心脈孔陽氣作聲或時血痢吐交橫溢關骨痛心煩  
燥更兼頭面赤駢駢大實由來面赤風燥痛面色與  
心同微寒虛惕心寒熱急則腸中痛不通實大相兼  
并有滑舌滑心驚語話難單滑心熱別無病瀆無心  
力不多言沉緊心中逆冷痛弦時心急又心懸

心脈見於三部歌

三部俱數心家熱舌上生瘡唇破裂狂言滿目見鬼



神飲水百杯終不歇

欽定四庫全書

卷七十二

# 肝脈之圖



肝脈盛者寸口大  
 人迎一倍虛者寸  
 口小於人迎  
 膽脈盛者人迎大  
 一倍於寸口虛者  
 人迎反小於寸口

肝脈歌

肝軟并弦本沒邪緊因筋急有些些細看浮大更兼  
實赤痛昏昏似物遮溢關過寸口相應目眩頭重與  
筋疼孔時眼暗或吐血四肢癱緩不能行瀉則緣虛  
血散之肋脹脇滿自應知滑因肝熱連頭目緊實弦  
沉彥癰基微弱浮散氣作難目暗生花不耐看甚浮  
筋弱身無力遇此還須四體癱

肝脈見於三部歌

三部俱弦肝有餘目中疼痛苦瘥虛怒氣滿胸常欲  
叫翳蒙童子淚如珠

欽定四庫全書

卷七十二

# 腎脈之圖



腎脈盛者寸口  
 大再倍於人迎  
 虛者寸口反小  
 於人迎膀胱盛  
 者人迎大再倍  
 於寸口虛者人  
 迎反小於寸口

腎脈歌

腎散腰間氣尿多  
澀滑并其中有聚散  
聚散且無憑  
實滑小便澀淋痛  
澹駢脈澹精頻漏  
恍惚夢魂多  
小腸疝氣遂夢裏  
涉江河實大膀胱熱  
小便難不通  
滑弦腰骨重沉緊  
痛還同單勻無憊  
病浮緊耳應聾  
腎脈見於三部歌

三部俱遲腎臟寒  
皮膚燥澹髮毛乾  
夢見鬼神時入  
水覺未情思即無歡



# 肺脈之圖



肺脈盛者寸口  
 大三倍于人迎  
 虛者反小于人  
 迎  
 大腸盛者人迎  
 大三倍于寸口  
 虛者人迎反小  
 于寸口

肺脈歌

肺脈浮兼實咽門燥又傷大便難且溢鼻內之馨香  
實大相兼滑毛焦涕唾粘更和咽有燥秋盛夏宜砭  
沉緊相兼滑仍聞咳嗽聲微浮兼有散肺脈本家形  
溢出胸中滿氣泄大腸鳴弦冷腸中結孔暴痛無成  
沉細仍兼滑因知是骨蒸皮毛皆總溢寒熱兩相并

肺脈見於三部歌

三部俱浮肺臟風鼻中多水唾稠濃壯熱惡寒皮肉

痛額乾雙目淚酸疼

|  |  |  |  |  |  |  |  |  |
|--|--|--|--|--|--|--|--|--|
|  |  |  |  |  |  |  |  |  |
|--|--|--|--|--|--|--|--|--|

# 脾脈之圖



脾脈盛者寸口  
 大三倍于人迎  
 虛者寸口反小  
 于人迎胃脈盛  
 者人迎大三倍  
 于寸口虛者人  
 迎反小于寸口

脾脈歌

脾脈實兼浮消中脾胃虛口乾饒飲水多食亦饑虛  
單滑脾家熱口內氣多麓瀉即非多食食不作肌膚  
微浮傷容熱來去乍微疎有緊脾家痛仍兼筋急拘  
欲吐却不吐沖沖未得蘇若弦肝氣盛妨食被譏謀  
大實心中痛如邪勿帶符溫闕涎出口風中見羈孤  
脾脈見於三部歌

三部俱緩脾家熱口臭胃翻長嘔逆齒脾斷宣注氣



纏寒熱時少心力

|  |  |  |  |  |  |  |  |  |
|--|--|--|--|--|--|--|--|--|
|  |  |  |  |  |  |  |  |  |
|--|--|--|--|--|--|--|--|--|



命門脈圖

人迎神門脈圖



神門命門人迎辨

脈經別論篇曰食入於胃濁氣歸心淫精于脈脈氣  
流經經氣歸於肺肺朝百脈輸精於皮毛毛脈合精  
行氣於府府府精神明留於四藏氣歸於權衡權衡  
以平氣口成寸以決死生又曰氣口者亦太陰也是  
以五臟六腑之氣味出於胃變見於氣口蓋以氣口  
包括五臟六腑之總名也此氣之所以為寸口而人  
迎命門神門之脈又各有其經也氣口成寸之位烏

可以容三脈之紊而三脈自有本位豈可以容牽合也哉脈要精微篇有尺而附上上附上之分自是三部寸關尺之議本於此也脈經謂左手關前一分為人迎誤也愚嘗考之內經人迎診候乃是陽明胃脈位在結喉兩傍動脈是也靈樞五色篇曰人迎堅盛者傷於寒氣口堅盛者傷于食綱目釋謂氣口脈在兩手掌後手太陰之脈也人迎脈在結喉兩傍足陽明之脈也蓋謂胃為六腑之源故與氣口配診以知


疾病之端龐安常論之詳矣茲不復贅考神門脈內  
經有曰神門絕死不治神門為手少陰心經之動脈  
穴在掌後側寸之分與大淵相對脈經謂兩手尺前  
為神門誤也又以石尺為命門抑嘗考之命門在督  
脈十四椎下陷中而腎之間與臍相對固為真元之  
根本性命之所關腎雖屬水而實有相火寓于其中  
太極所謂動者靜之基則是靜而生水者本也動而  
挾火者標也虞天氏謂命門象門中樞闡司關闔性

其靜而盪涵養乎一陰之真水而鼓舞乎雷龍之相  
火水為常而火為變也可謂深得命門相火之旨者

欽定四庫全書

卷七十二

# 寸關尺之圖



按素問六節藏象論靈樞經始篇并脈篇皆以人迎為外為陽脈故人迎主外曰人迎候陽人迎大寸氣口者為病在六陽以右手氣口為內為陰脈故曰氣口主內口氣口候陰氣口大寸人迎為病在六陰此為診訣之至要並無以寸為外尺為內及尺寸相乘為內外關格之文自難經云然世遂指關格為病名而診法廢矣故詳辨于此

王和叔診先人迎氣口而即寸關尺分三部九候為後世診法之所宗

脈有尺寸何謂也尺寸者脈之大要也從關至尺是  
尺內陰之所治也從關至魚際是寸口內陽之所治  
也故分寸為尺分寸為寸故陰得尺中一寸陽得寸  
內九分寸始終一寸九分故曰尺寸也



# 三部九候圖

|      |   |   |       |   |     |      |   |   |
|------|---|---|-------|---|-----|------|---|---|
| 九候之處 |   |   | 三部    |   |     | 九候之處 |   |   |
| 天    | 人 | 地 | 寸     | 主 | 胸已上 | 天    | 人 | 地 |
| 至頭有疾 |   |   | 關主膈下至 |   |     | 中部法人 |   |   |
| 角    | 目 | 齒 | 尺     | 主 | 臍已下 | 天    | 人 | 地 |
| 至足有疾 |   |   |       |   |     | 下部法地 |   |   |
| 浮    | 中 | 沉 | 浮     | 中 | 沉   | 浮    | 中 | 沉 |
| 心    | 脾 | 肝 | 心     | 脾 | 肝   | 心    | 脾 | 肝 |
| 肺    | 胃 | 腎 | 肺     | 胃 | 腎   | 肺    | 胃 | 腎 |

手太陰陽明金也足少陰太陽水也金生水水流下行而不能上故在下部也足厥陰少陽木也生手太陽少陰火火炎上行而不能下故為上部手心主少陽火生足太陰陽明土土主中宮故在中部此五行子母更相生養者也三部者寸關尺也九候者浮中沉也寸應天為上部關應人為中部尺應地為下部一部之中各有浮中沉三候浮以象天中以象人沉以象地三三如九故曰三部九候也然則寸關尺之

名何以言之蓋人手腕後高骨為關從關至魚際為  
周身一寸故名曰寸部從關至尺澤穴得周身之一  
尺故名曰尺部寸部屬陽實得寸內九分陽數九也  
尺部屬陰實得尺內一寸陰數十也陽出陰入以關  
為界故名曰關部然則浮中沉之名何以取之蓋三  
部之中六府之脈常浮府屬陽也五臟之脈常沉臟  
屬陰也胃氣之脈常在沉浮之中胃為五藏六府之  
本也輕手診之為浮候重手診之為沉候不重不輕

診之為中候故診法常以平旦陰氣未動陽氣未散  
飲食未進經脈未盛絡脈調勻氣血未亂乃可診之  
先令病人端身默坐為醫者當澄心息慮初以中指  
端按高骨關位次下前後二指輕按消息之中按消  
息之重按消息之沉然他醉莫與診脉自醉莫診他人  
或有病人遠來曾乘車而坐舟或騎驢而跨馬必待憩  
息久之方與診視終不及平旦為準也然寸部以應  
上焦心肺居上也關部以應中焦肝脾居中也尺部

以應下焦腎命居下也左寸心與小腸動脈之位君  
火也右寸肺與大腸動脈之位燥金也左關肝與膽  
動脈之位風木也右關脾與胃動脈之位濕土也左  
尺腎與膀胱動脈之位寒水也右尺命門與三焦動  
脈之位相火也然以循環之序言之則左尺水生左  
關木左關木生左寸火左寸火接右尺火右尺火生  
右關土右關土生右寸金右寸金生左尺水生左寸  
意不絕有子母之親也然以對待之位言之則左寸

火尅右寸金左關木尅右關土左尺水尅右尺火左  
剛石柔有夫婦之別也然左手屬陽右手屬陰左寸  
君火以尊而在上右尺相火以卑而在下有君臣之  
道也三部之中有此自然之理學醫者可不盡心乎  
雖然此其大畧也訣在師傳巧由心悟非深通造化  
其孰知之

診脈方位不同

醫家之訣脈三部九候莫知其所由從世謂宗叔和

秦越人自以為發明內經而內經謂尺內兩傍則季  
脇也尺外以候腎尺裏以候腹中附上以左外以候  
肝內以候鬲右外以候胃內以候脾上附上右外以  
候肺內以候中左外以候心內以候臆中前以候前  
後以候後上竟上者胸喉中事也下竟下者小腹腰  
股膝頸足中事也以是詳諦之三部之相屬錯而背  
何歟又輕按得腑脈重按得臟脈且深疑焉以按之  
上下分陰陽於腑臟則九候之浮中沉乃不能施矣

九候廢而診道荒何以製方劑哉然則古今名家能  
奏功紀籍皆倖而偶者夫脈者血之腑响之為氣濡  
之為血氣運脈之外而血榮脈之中故十二經十五  
絡又八奇經惟貯而官者為臟腑以見於脈若合系  
而獨持之則無所名於具矣故心包絡三焦不得為  
無位兩腎不得為自離而叔和異之并其可諦者

診脈當依時月

人身血脈與天地同周流此理之必然者一歲自春



而冬一日自子而亥莫不相應故由前圖言之一月屬肝足厥陰經至於十月膀胱足太陽經由後圖言之每日自子時注膽至亥時注三焦則審脈者如一月之內宜以肝為主如每日子時即宜以膽為主矣醫家止知審六脈虛實而當所旺所注之月與時其虛實莫之辨焉謂之善察脈理可乎況脈有浮中沉之不同藥有表裏和之不一察其在氣在血定其行陰行陽一循天時以調治之吾亦罕見其人矣

脈分三部五臟

脈有三部曰寸曰關曰尺寸部法天關部法人尺部  
法地寸部候上自胸膈心肺咽喉頭目之有疾也關  
部候中自胸已下小腹之有疾也脾膽肝皆在中也  
尺部候下自小腹腰腎膝胫足也大腸小腸皆在下  
也皆內經所謂上以候上下以候下是也此與十二  
經配合不同亦存之以俟有定見者

# 七表寸脈部圖



凡此七變或虛或

實或補或瀉皆治

在上焦此寸脈主

上部法天主膈已

上至頭之有疾也

# 七表關脈部圖



凡此七變或虛或實或補或瀉皆治  
 在中焦此關脈主  
 在中焦此關脈主  
 在中焦此關脈主  
 虛空  
 虛空  
 下至臍之有疾也

# 七表尺部脈圖



凡此七變或虛或實或補或瀉皆治在下焦此尺脈主下部法地主臍已下至足之有疾也

一一浮者陽也指下尋之不足舉之有餘再再尋之  
如大過曰浮主咳嗽氣促冷汗自出背膊勞倦夜卧  
不安 歌曰按之不足舉有餘再再尋之指下浮臟  
中積冷榮中熱欲得生精用補虛 又歌曰寸浮中  
風頭熱痛關浮腹脹胃虛空尺部見之風入肺大腸  
乾澁故難通

二二乳者陽也指下尋之兩頭即有中間全無曰乳  
主淋瀝氣入小腸 歌曰指下尋之中且虛邪風透

入小腸居病時淋瀝兼頭痛大作湯圓必自除 又  
歌曰寸孔積血在胃中關內逢孔腸裏癱尺部見之  
虛在腎小便遺瀝血凝濃

三滑者陽也指下尋之三關如珠動按之即伏不  
進不退曰滑四肢困弊脚手酸疼小便赤澁 歌曰  
滑脈如珠號曰陽腰間生氣透前腸脛酸只為生寒  
熱大瀉三焦必得康 又歌曰滑脈居寸多嘔逆關  
滑胃寒不下食尺部見之臍似水飲水下焦聲瀝瀝

一四實者陽也指下尋之不絕舉之有餘曰實主伏陽在內脾虛不食四體勞倦 歌曰實脈尋之舉有餘伏陽蒸內致脾虛食少只緣生胃壅溫和湯藥乃痊除 又歌曰實脈關前胃熱甚當關切痛中焦焦尺部如繩應指來腹脹小便應不禁

一五弦者陽也指下尋之不足舉之有餘狀若箏弦時時帶數曰弦主勞風乏力盜汗多生手足酸疼皮毛枯稿 歌曰弦脈為陽狀若弦四肢更被氣相煎



三度解勞方始退常須固臍下丹田 又歌曰寸部  
脈緊一條弦骨中急痛狀繩牽關中有弦寒在胃下  
焦停水滿丹田

一六緊者陽也指下尋之二關通度按之有餘舉指  
甚數狀若洪弦曰緊主風氣伏陽上衝化為狂病

歌曰緊脈三關數又弦上來風是正根源忽然狂語  
人驚怕不遇良醫不得痊 又歌曰緊脈關前頭裏  
痛到關切痛無能動隱指寥寥入胗來激結繞臍常

手捧

一七洪者陽也指下尋之極大舉之有餘曰洪主頭痛四肢浮熱大腸不通燥糞結澀口乾遍身疼痛

歌曰洪脈根源本是陽遇其季夏自然昌若逢秋季及冬季發汗通腸始得涼 又歌曰洪脈關前熱在胸到關翻胃幾千重更向尺中還若是小便赤澀脚酸疼

已上七表之脈左三部也雖皆屬陽然陽中有陰

有宜用熟藥者不可執一不通以致誤也


總七表形候歌

浮如指下捻葱葉孔則中虛有兩頭滑似流珠來往  
利實向浮取次第求弦若弓弦時帶數緊浮琴弦促  
軫留洪舉往來皆極大七陽為表定其由

欽定四庫全書

目錄  
卷七十二

# 八裏寸部脈圖



凡此八者或虛

或實或補或瀉

皆治在上焦乃

上部之八法也

# 八裏關部脈圖



凡此八者或虛

或實或補或瀉

皆治在中焦乃

中部之八法也

# 八裏尺部脈圖



凡此八者或虛  
或實或補或瀉  
皆治在下焦乃  
下部之八法也

一一微者陰也指下尋之往來極微再再尋之若有  
若無曰微主敗血不止面色無光 歌曰指下尋之  
有若無遊之敗血小腸居崩中日久為白帶漏下多  
時骨未枯 又歌曰微脈關前氣上侵當關鬱結氣  
排心尺脈見之臍下積身寒飲水即呻吟

一二沈者陰也指下尋之似有舉之全無緩度三關狀  
如爛綿曰沉主氣脹兩脇手足時冷 歌曰按之似  
有舉還無氣滿三焦臟腑虛冷氣不調三部壅通腸



健胃始能除 又歌曰寸脈沉兮胃有痰當關氣短  
痛難堪若在尺中腰脚重小便稠數色如泔

～三緩者陰也指下尋之往來遲緩小者遲曰緩主  
四肢煩滿氣捉不安 歌曰來往尋之狀若遲腎間  
生氣耳鳴時邪風積氣來衝背腦後三鍼痛即移  
又歌曰緩脈關前搐項筋當關氣結腹難伸尺上若  
逢癥冷結夜間常夢鬼隨人

☰四瀆者陰也指下尋之似有舉之全無前虛後實

無復次第曰瀦主遍身疼痛女子有孕胎痛無孕敗  
血為病 歌曰瀦脈如刀刮竹形丈夫有此號傷精  
婦人有孕胎中病無孕還須敗血成 又歌曰瀦脈  
關前胃氣并當關血散不能停尺部如斯逢逆冷體  
寒臍下作雷鳴

五遲者陰也指下尋之重手乃得隱隱曰遲主腎  
虛不安 歌曰遲脈人逢狀且難遇其夏季不能痊  
神工診得知時候道是脾來水必乾 又歌曰寸口

脈遲心上寒當關腹裏飲漿難流入尺中腰脚重厚  
衣重覆也嫵單

一六伏者陰也指下尋之似有呼吸定息全無再再  
尋之不離三關曰伏主毒氣閉塞三關四肢沉重手  
足時冷 歌曰陰毒伏氣切三焦不動榮家氣不調  
不問春秋與冬夏時時發汗始能消 又歌曰積氣  
胸中寸勝伏當關腸癖常瞑目尺部見之食不消坐  
卧非安還破腹

一七濡者陰也指下尋之似有再再還來按之依前却去曰濡主少力五心煩熱腦轉耳鳴下元極冷

歌曰按之似有舉之無精髓丹田定已枯四體骨蒸勞熱甚臟腑終傳命必殂 又歌曰濡脈關前人足汗當關氣少精神散尺部綿綿即惡寒骨與肉疎都不管

八弱者陰也指下尋之如爛綿相似輕手乃得重手稍無怏怏不前曰弱主氣居於表生產後客風面

腫歌曰三關怏怏不能前只為風邪與氣連少年  
得此須憂重老弱逢之病即痊又歌曰關前弱關  
陽道虛關中有此氣多疎若在尺中陰氣絕酸疼引  
變上皮膚

已上八裏脈者乃右手三部寸關尺受邪者也

總八裏形候歌

沉若爛綿尋至骨微于指下細如絲緩小于遲來往  
慢濇則如刀削竹枝遲欲尋來隱隱至伏潛骨裏似

來時濡湊指邊還怯怯弱按輕綿重不知八裏為藏  
分明記但依此訣不須疑

七表八裏脈總論


七表者浮孔滑實弦緊洪也八裏者微沉緩濇遲伏  
濡弱也七表陽也八裏陰也表脈多見於左而客隨  
主變裏脈多見於右而主隨客變左手三部所主溫  
風寒也溫風寒病得於外右手三部所主燥實暑也  
燥實暑病生於內此脈法之大槩及其互相變見也

表脈見之於右或裏脈見之於左或陰陽更相乘或  
陰陽更相伏或一脈為十變脈理精微非一言可盡  
然其要不越乎陰陽五行而已表脈有七裏脈有八  
共十五脈也五行分之各得三脈三五一十五也浮  
瀦弱屬金弦緊伏屬木滑沉濡屬水芤實洪屬火微  
緩遲屬土每三部俱有輕重之分至於五行當更相  
平一有不平病即見焉或曰謂內傷則善矣謂外感  
或莫之當耶不知天地之間六氣依于五運人身即

小天地外邪所感莫不從其類而見焉假令外感風濕則木火有餘而土金不足水不能制乎火矣外感乃外邪所感致五行不平也先明金木水火土之理次察虛實賊微正之邪更復辨其部分之浮中沉而當詳其主脈客脈之相合何為主弦洪濇緩沉是也何為客本部不應得之脈皆客也能如是然後內傷外感主客標本之病是者是非者非夫何差錯之有



# 九道脈之圖



九道脈

一一長者陽也指下尋之三關如持竿之狀舉之有餘曰長過於本位亦曰長主渾身壯熱夜卧不安

歌曰長脈迢迢度三關指下將來又却還陽毒在臟三焦熱徐徐發汗始能安

一二短者陰也指下尋之不及本位曰短主四肢惡汗腹中生氣宿食不消 歌曰脈短陰中有伏陽氣壅三焦不得昌臟中寒食主寒氣大瀉通腸必得康

○三虛者陰也指下尋之不足舉之亦然曰虛主少  
力多驚心中恍惚小兒驚風 歌曰恍惚心中多悸  
驚三關定息脈難成血虛臟腑生煩熱補益三焦便  
得寧

四四促者陽也指下尋之極數併居寸口曰促漸加  
即死漸退即生 歌曰促脈前來已出關常居寸口  
血成斑忽然漸退大生也若或加時命在天

三五結者陰也指下尋之或來或往聚而却還曰結

主四肢氣悶連痛時來 歌曰積氣生於脾臟傍大腸疼痛脾難當只宜稍瀉三焦火莫謾多方立紀綱  
八六代者陰也指下尋之動而復起再按不能自還  
曰代主形容羸瘦口不能言 歌曰代脈時時動若浮再而復起似還無三元正氣隨風去魂魄冥冥何所拘

八七牢者陰也指下尋之即無按之却有曰牢主骨間疼痛氣居于表 歌曰脈入皮膚辨息難時時氣

促在胃前只緣水火相刑尅欲待痊除更問天

八動者陰也指下尋之似有舉之還無再再尋之不離其處下往不來曰動主四體虛勞崩中血痢

歌曰動脈根源氣主陰三關指下礙沉沉血山一倒經年月志士名醫只可尋

一丸細者陰也指下尋之細細似綿來往極微曰細主腰酸髓冷乏力泄精 歌曰乏力無精脛裏酸形容憔悴髮毛乾如逢冬季經霜月不療其病必自痊

九道脈法總論

雲岐子曰九道者從天地九數之理說也經曰善言天者必有應於人是以天有九星地有九州人有九藏亦有九野故立九道脈以應天地陰陽之法也以長為乾清陽發湊理以短為坤濁陰歸六府以虛為離心中驚則血衰以促為坎脈進則死退則生以結為兗臍傍所發以代為中土正上中下三元正氣以牢為震前後有水火相乘之氣以動為艮主血山衰

以細為巽主秋金有餘此九道脈以應九宮藏之法也

七表八裏九道脈形狀總訣

析而言之七表八裏又有九道其名乃備浮而無力是名孔脈有力無洪形狀可識沉而有力其脈為實無力微弱伏則沉極脈遲有力滑而流利無力緩瀆慢同一例數而有力脈名為緊小緊為弦疑似須審合則為四離七八天機之秘神授之訣

促結代脈辨

仲景云脈來緩

緩當作遲

時一止復來者名曰結又脈來

動而中止更來小數中有還者及動名曰結陰也脈來動而中止不能自還此動而中止復來代也得此脈者必難治自還者此動而中止復來如前動同而不數也故有結脈者促脈者代脈者結者陰也陰盛則結脈來緩時一動止復來曰主胸滿煩燥促者陽也陽盛則促脈來數時一止復來曰促主積聚氣痞



憂思所乘大抵結促之脈雖時止為病脈非死也往來緩動中止不能自還周而復動名曰代也代者死也


欽定四庫全書



卷七十二

# 脈有陰陽之圖

浮則為陽



呼隨陽出

不浮不沉

陰陽之中

中  
慢緩  
脾

受納穀味

呼吸之間

沉則為陰



吸隨陰入

脈有陰陽之法何謂也然呼出心與肺吸入腎與肝呼吸之間脾受穀味也其脈在中

浮者陽也沉者陰也故曰陰陽也心肺俱浮何以別之然浮而大散者心也腎肝俱沉何以別之然牢而長者肝也按之濡舉指來實者督也脾者中州故其脈在中是陰陽之法也

岐伯曰陽為氣陰為味味歸形形歸氣氣歸精精歸化化生精精生氣氣生神黃帝曰予知百病皆生于

氣也怒則氣上喜則氣緩悲則氣消恐則氣下寒則  
氣收熱則氣泄驚則氣亂勞則氣耗思則氣結九氣  
不動何病之生 曰養生貴養氣養氣貴養心養心  
貴寡慾寡慾以保元氣生形強而神不能若形壞則神  
不存神離則形不固形譬燈缸盛油神譬燈油燃火  
搖翻燈缸則燈油瀉矣乾燈油則燈缸裂必形與神  
俱即魂魄足榮衛調夫榮血也衛氣也氣以衛血血  
以榮氣岐伯曰根於中者命曰神機神去則機息根

於外者命曰氣立氣止則化絕 曰神氣之旨妙哉  
在心悟之而已

冬至之後為呼夏至之後為吸此天地一歲之呼吸  
也朱紫陽曰天地間只是一氣自今年冬至到明年  
冬至只是一個呼吸呼是陽吸是陰何也冬至後自  
復而乾屬陽故以為呼夏至後自姤而坤屬陰故以  
為吸呼乃氣之出故屬冬至之後吸乃氣之入故屬  
夏至之後大則為天地一歲之呼吸小則為人身一

息之呼吸仙家千經萬論譬喻紛紛不過呼吸二字而已又云一動一靜之間天地人之至妙至妙者歟無極之前陰含陽也有象之後陽分陰也

欽定四庫全書



月言  
卷七十二



脈陰陽類成

浮不沉也按之不足輕舉有餘滿指浮上曰浮為風  
虛動之候為脹為風為痞為滿不食為表熱為喘浮  
大傷風鼻塞浮滑疾為宿食浮滑為飲左寸浮主傷  
風發熱頭疼目眩及風痰浮而虛遲心氣不足心神  
不安浮散心氣耗虛煩浮而滿數心經熱關浮腹脹  
浮而數風熱入肝經浮而促怒氣傷肝心胸逆滿浮  
大胸脇脹滿尺浮膀胱風熱小便赤澁浮大而孔男

子小便血婦人崩帶浮而遲冷疝臍下痛石寸浮肺  
感風寒咳嗽清涕自汗體倦浮而洪肺熱而咳浮而  
遲肺寒喘嗽關浮脾虛中滿不食浮大而瀝為宿食  
浮而遲脾胃虛尺浮風邪客下焦大便秘浮而虛元  
氣不足浮而數下焦風熱大便秘

沈不浮也輕手不見重手乃得為陰遂陽鬱之候為  
實為寒為氣為水為停飲為癥瘕為脇脹為厥逆為  
洞泄沈為少氣沈遲為痼冷沈滑為宿食沈伏為霍

亂沉而數內熱沉而遲內寒沉而弦心腹冷痛左寸  
沉心內寒邪為痛胸中寒飲脇疼關沈伏寒在經兩  
脇刺痛沉弦痙痺內痛尺沈腎臟感寒腰背冷痛小  
便濁而頻男為精冷女為血結沈而細腫疫陰痒溺  
有餘澀石寸沈肺冷寒痰停蓄虛喘少氣沈而緊滑  
咳嗽沈細而滑骨蒸寒熱皮毛焦乾關沈胃中寒積  
中滿吞酸沈緊懸飲尺沈病水腰脚疼沈細下利又  
為小便滑臍下冷痛

遲不及也以至數言之呼吸之間脈僅三至減於平

脈一至也為陰盛陽虧之候為寒為不足浮而遲表

有寒沉而遲裏有寒

居寸為氣不足  
居尺為血不足

氣寒則縮血寒

則凝也左寸遲心上寒精神多慘關遲筋寒急手足

冷脇下痛尺遲腎虛便濁女人不月右寸遲肺感寒

冷痰氣短關遲中焦寒及脾胃傷冷物不食沉遲為

積尺遲為藏寒泄瀉小腹冷痛腰脚重

數大過也一息六至過平脈兩至也為煩滿上為頭

疼上熱中為脾熱口臭胃煩嘔逆右為頰熱目赤左  
下為小便黃赤大便秘澀浮數表有熱沉數裏有熱  
虛不實也散大而軟舉按豁然不能自固氣血俱虛  
之診也為暑為虛煩多汗為恍惚多驚為小兒驚風  
實不虛也按舉不絕逼逼而長動而有力不疾不遲  
為三焦氣滿之候為嘔為痛為氣塞為食積為氣聚  
為痢為伏陽在內左寸實心中積熱口舌瘡咽痛實  
大頭面熱風煩燥體疼面赤關實腹脇痛滿實而浮

大肝盛目暗赤痛尺實小腹痛小便澀實而滑淋瀝  
莖痛溺赤實大膀胱熱溺難實而緊腰痛若寸實胸  
中熱痰嗽煩滿實而浮肺熱咽躁痛喘咳氣壅關實  
伏陽蒸內脾虛食少胃氣滯實而浮脾熱消中善饑  
口乾勞倦尺實臍下痛便難或時下痢

洪大而實也舉按有餘來至大而去且長騰上滿指  
為榮絡大熱血氣燔灼之候為表裏皆熱為煩為咽  
乾為大小便不通左寸洪心經積熱眼赤口瘡頭痛

內煩關洪肝熱及身痛四肢浮熱尺洪膀胱熱小便  
赤澁右寸洪肺熱毛焦唾粘咽乾洪而緊喘急關洪  
胃熱反胃嘔吐口乾洪而緊為脹尺洪腹滿大便難  
或下血

微不顯也依稀輕細若有若無為血氣俱虛之候為  
虛弱為泄為虛汗為崩漏敗血不止為少氣浮而微  
者陽不足必身惡寒沉而微者陰不足主臟寒下利  
左寸微心虛憂惕榮血不足關微四肢惡寒拘急尺

微敗血不止男為傷精尿血女為崩帶右寸微上焦  
寒痞冷痰不化中寒少氣關微胃寒氣脹食不化脾  
虛噫氣心腹冷痛尺微臟寒泄瀉臍下冷痛

弦按之不移舉之應手端直如絲弦為血氣收斂為  
陽中伏陰或經絡間為寒所入為痛為瘧為拘急為  
寒熱為血虛盜汗為寒凝氣結為冷痺為疝為飲為  
勞倦弦數為勞瘧雙弦脇急痛弦長為積左寸弦頭  
疼心惕勞傷盜汗乏力關弦脇肋痛弦緊為疝



痲為淤血弦小寒癰尺弦小腹痛弦滑腰脚痛右寸  
弦肺受寒咳嗽胸中有寒痰闕弦脾胃傷冷宿食不  
化心腹冷痛又為飲尺弦臍下急痛不安下焦停水  
緩不逮也往來迂緩呼吸徐徐以氣血向衰故脈體  
為之徐緩爾為風為虛為痺為弱為痛在上為項強  
在下為脚弱浮緩為風沉緩血氣虛左寸緩心氣不  
足怔忡多忘亦主項背急痛關緩風虛眩暈腹脇氣  
結尺緩腎虛冷小便數女人月事多右寸緩肺氣浮

言語氣短關緩胃弱氣浮虛緩脾氣虛弱不沈不浮  
從容和緩乃脾家本脈也尺緩下寒脚弱風氣秘滯  
浮緩腸風泄瀉沉緩小腹感冷

滑不澁也往來流利如珠走盤不進不退為血實氣  
壅之候蓋血不勝于氣也為嘔吐為痰逆為宿食為  
經閉滑而不斷經不閉其斷者經閉上為吐逆下為  
氣結滑數為結熱左寸滑心熱滑而實大心驚舌強  
關滑汗熱頭目為患尺滑小便淋瀝尿赤莖中痛右

寸滑痰飲嘔逆滑而實脈熱毛髮焦膈壅咽乾痰嗽  
頭目昏涕唾粘關滑脾熱口臭及宿食不化吐逆滑  
實胃熱尺滑因相火炎而引飲多臍冷脹鳴或時下  
利婦人主血實氣壅月事不通若和滑為孕

澁不滑也虛細而遲往來極難參伍不調如雨沾沙  
如輕刀刮竹然為氣多血少之候為少血為亡汗為  
血痺痛為傷精女人有孕為胎痛無孕為敗血病左  
寸澁心神虛耗不安及冷氣心痛關澁肝虛血散肋

脹脇滿身痛尺澁男子遺精及疝女人月事虛敗若  
有孕主胎漏右寸澁榮衛不和上焦冷痞氣短臂痛  
關澁脾弱不食胃冷而嘔尺澁大便清津液不足小

腹寒足脛逆冷

經云滑者傷熱澁者中霧露金革

長不短也指下有餘而過於本位氣血皆有餘也為  
陽毒內蘊三焦煩鬱為壯熱

短不長也兩頭無中間有不及本位氣不足以前導  
其血也為陰中伏陽為三焦氣壅為宿食不消

大不小也浮取之若洪而浮沈取之大而無力為血

虛氣不能相入也

經曰大則病進

小不大也浮沈取之悉皆損小在陽為陽不足在陰為陰不足前大後小則頭疼目眩前小後大則胸滿短氣

緊有力而不緩也其來勁急按之長舉之若牽繩轉索之狀為邪風急搏伏於榮衛之間為痛為寒浮緊為傷寒身疼沈緊為腹中有寒為風痲左寸緊頭熱

目痛項強緊而沉心中氣逆冷痛關緊心腹滿痛脇  
痛肋急緊而盛傷寒渾身痛緊而實痙痺尺緊腰脚  
臍下痛小便難右寸緊鼻塞膈壅緊而沉滑脈實咳  
嗽關緊腹痛吐逆緊盛腹脹傷食尺緊下焦作痛  
弱不盛也極沈細而軟怏怏不前按之欲絕未絕舉  
之即無由精氣不足故脈息痿弱而不振也為元氣  
虧耗為痿弱不前為痙冷為關熱為泄精為虛汗老  
得之順壯得之逆左寸弱陽虛心悸自汗關弱筋萎

無力婦人主產後客風面腫尺弱小便數腎虛耳聾  
骨肉酸痛右寸弱身冷多寒胸中短氣關弱脾胃虛  
食不化尺弱寸焦冷痛大便滑

動其狀如大豈厥厥動搖尋之有舉之無不往不來  
不離其處多於關部見之動為痛為驚為虛勞體痛  
為崩脫為泄痢陽動則汗出陰動則發熱

伏不見也輕手取之絕不可見重取之附着於骨為  
陰陽潛伏關膈閉塞之候為精聚為癥疝為食不消

為霍亂為水氣為榮衛氣閉而厥逆關前得之為陽  
伏關後得之為陰伏左寸伏心氣不足神不守常沉  
憂抑鬱關伏血冷腰脚痛及脇下有寒氣尺伏腎寒  
精虛疝瘕寒痛右寸伏胸中氣滯寒痰冷積關伏中  
腕積塊作痛及脾有停滯尺伏臍下冷痛下焦虛寒  
腹中痼冷

促陽脈之極也脈來數時一止復來者曰促陽獨盛  
而陰不能相和也或怒逆上亦令脈促為氣涌為



狂悶為瘀血發狂又為氣為血為飲為食為痰蓋先以氣熱脈數五者或一有留滯乎其間則因之而為促非惡脈也雖然加即死退即生亦可畏哉

結陰脈之極也脈來緩時一止復來者曰結陰獨盛而陽不能相入也為癥結為積聚為七情所鬱浮結為寒邪滯經沉結為積氣在內又為氣為血為飲為痰蓋先以氣寒脈緩而五者或一有留滯於其間則因而為結故張長沙謂結促皆病脈

芤浮大而軟尋之中空傍實傍有中無診在浮舉重  
按之間為失血之候大抵氣有餘血不足血不能流  
氣故虛而大若芤之狀也左寸芤主心血妄行為吐  
為衄關芤主脇間血氣痛或腹中瘀血亦為吐血目  
暗尺芤小便血女人月事為病右寸芤胸中積血為  
衄為嘔關芤腸癰瘀血及嘔血不食尺芤大便血又  
云前大後細脫血也非芤而何

革沈伏實大如按鼓皮曰革氣血虛寒革易常度也

婦人則半產漏下男子則亡血失精又為中風寒溼  
之診

濡無力也虛軟無力應手散細如綿絮之浮水中輕  
手隨來重手却去為氣血俱不足之候為少氣為無  
血為疲損為自汗為下冷為痺左寸濡心虛易驚盜  
汗短氣關濡榮衛不和精神離散體虛少力尺濡男  
為傷精女為脫血小便數自汗多右寸濡關熱增寒  
氣之體虛關濡脾軟不化物胃虛不進飲食尺濡下

元冷憊腸虛泄瀉

牢堅牢也沈而有力動而不移為裏實表虛關中氣促為勞傷萎極大抵其脈近乎無胃氣者故諸家皆為危殆之脈云亦主骨間疼痛氣居於表

疾盛也快於數為疾呼吸之間脈七至熱極之脈也在陽猶可在陰為逆


細微眇也指下尋之往來微細如線蓋血冷氣虛不足以充故也為元氣不足乏力無精內外俱冷痿弱

洞洩為憂勞過度為傷濕為積為痛在內及在下  
代更代也動而中止不能自還因而復動由是復止  
尋之良久乃復強起為代主形容羸瘦口不能言若  
不因病而人羸瘦其脈代止是一藏無氣它藏代之  
真危亡之兆也若因病而氣血驟損以至元氣不續  
或風家痛家脈見止代只為病脈故傷寒家亦有心  
悸而脈代者腹心痛亦有結澁止代不勻者勿以為  
凶蓋九痛之脈不可准也又妊娠或有脈代者必三

月餘之胎也亦無慮焉

散不聚也有陽無陰按之滿指散而不聚來去不明  
謾無根柢為氣血耗散府藏氣絕在病脈主虛陽不  
欲又主心氣不足大抵非佳脈也

# 王脈之圖



正二月陽氣漸盛  
 其候始暄三四月  
 陽氣大盛其候已  
 熱五六月陰氣初  
 王時候濕暑七八  
 月陰氣漸盛其氣  
 清涼九十月陰氣  
 極盛其候寒凝十  
 一十二月陽氣尚  
 微時候高寒故脈  
 不同也

經言少陽之至乍大乍小乍短乍長陽明之至浮大  
而短太陽之至洪大而長太陰之至緊大而長少陰  
之至緊細而微厥陰之至沈短而數何也冬至之後  
得甲子少陽王其脈乍大乍小乍短乍長蓋冬至之  
後若得第一甲子乃大寒中氣日也自大寒至春分  
六十日正初之氣分也其時草木方生風令鼓折萬  
物未有定象故脈大小長短不一也復得甲子陽明  
旺其脈浮大而短乃第二甲子正春分至小滿六十



日二之氣分也其時草木雖生而未茂盛陽氣清明  
故脈浮大而却短也復得甲子大陽旺其脈洪大而  
長乃第三甲子正小滿至大暑六十日三之氣分也  
其時萬物茂盛陽氣極熱故脈洪大而又長也復得  
甲子太陰旺其脈緩大而長乃第四甲子正大暑至  
秋分六十日四之氣分也其時濕熱變作林木津潤  
故脈緩大而長也復得甲子少陰旺其脈緊細而微  
乃第五甲子正秋分至小雪六十日五之氣分也其

時草木凋零天地肅殺故脈縈細而微也復得甲子厥陰旺其脈沈短以敷乃第六甲子正小雪至大寒六十日四終之氣分也其時萬物閉密陽氣伏藏故脈沈短而反敷厚也

# 五臟平脈圖

心脈浮大而散

心合血脈心脈循血脈而行持脈指法如六菽之重來盛如循連珠

曰平按至血脈而得者為浮稍加力脈道粗者為大又稍加力脈

道闊軟者為散連屬中微曲曰病堅搏如操帶鈞者死

肺脈浮濇而短

肺合皮毛肺脈循皮毛而行持脈指法如三菽之重浮虛如落榆葉

曰平按至皮毛而得者為浮稍加力脈道不利為濇入稍加力不

及本位曰短中堅兩傍虛曰病虛大如毛羽中膚者死

肝脈弦而長

肝合筋肝脈循筋而行持脈指法如十二菽之重而大長如竿末稍

曰平按至筋而脈道如箏弦相似為弦次稍加力脈道迢迢者為長

來盈實而滑曰病急  
並動如按弓弦死

### 脾脈緩而大

脾合肌肉脾脈備肌肉而行持脈  
指法如九菽之重和柔如雞踐地

曰平按至肌肉如微風輕肥柳稍  
之狀為緩次稍加力脈道敦實者

為大盈如難舉足曰病  
銳堅乍疎乍數者死

### 腎脈沈而軟滑

腎合骨腎脈備骨而行持脈指法  
沈實堅滑按至骨上而得者為沈

次重而按之脈道無力為濡舉止  
來疾流利者為滑如引葛並堅曰

病搏絕如指  
彈石堅者死

凡診脈須要識時脈胃脈與府藏平脈然後及於病脈時脈謂春三月六部中俱帶弦夏三月俱帶洪秋三月俱帶浮冬三月俱帶沈胃脈謂中按得之脈和緩府藏脈既平胃脈又應時脈乃無病者也反此為病

察脈須識上下來去至止六字不明此六字則陰陽虛實不別也上者為陽來者為陽至者為陽下者為陰去者為陰止者為陰也上者自尺部上於寸口陽

生於陰也下者自寸口下於尺部陰生於陽也來者自骨肉之分而出於皮膚之際氣升也去者自皮膚之際而還於骨肉之分氣之降也應曰至息曰止也  
六字診脈之常也

明脈須辨表裏虛實四字表陽也府也凡六淫之邪襲於經絡而未入於胃府及藏者皆屬於表也裏陰也藏也凡七情之氣鬱於心腹之內不能越散飲食五味之傷留於藏府之間不能通泄皆屬於裏也虛

者元氣之自虛精神耗散氣力衰竭也實者邪氣之實由正氣之本虛邪得乘之非元氣之自實也故虛者補其正氣實者瀉其邪氣經所謂邪氣盛則實精氣奪則虛此大法也

### 內經診法

帝曰診法何如岐伯曰診法常以平旦陰氣未動陽氣未散飲食未進經脈未盛絡脈調勻血氣未亂故乃可診有過之脈

過異於常候也

切脈動靜而視精明

視人之精

彩神明

察五色觀五藏有餘不足六府強弱形之盛衰

以此參伍決死生之分夫脈者血之府也

府聚也

長則

氣治短則氣病數則煩心大則病進上盛則氣高下

盛則氣衰細則氣小瀦則心痛

上謂寸口中  
下謂寸中

渾渾革至

如涌泉病進而色

色當  
作危

弊綿綿如弦絕者死微妙在

脈不可不察察之有紀從陰陽始始之有經從五行

生生之有度四時為宜是故聲合五音色合五行脈

合陰陽持脈有道虛靜為保

虛心息慮  
以候脈也

春曰浮如魚



之遊在波夏曰在膚泛泛乎萬物有餘秋曰下膚蟄

蟲將去冬曰在骨蟄密周蟲君子居室

四脈有生長收藏之義君

子居室此人事也

尺內兩傍

謂內外側

則季脇也

季脇近腎尺主之

尺外

以候腎尺裏以候復中附上左外以候肝內以候鬲

肝上貢鬲也滑云附上如越人所定關中也

右外以候胃內以候脾上附

上右外以候肺內以候胸中

滑云上附上如越人所定寸中也

左外

以候心內以候膻中前以候前後以候後

上前謂左寸下前謂

胸前上後謂石寸下後謂背也

上竟上者胸喉中事也下竟下者少

腹腰股膝脛足中事也

上竟上至魚際也下竟下盡脈動處也

帝曰平人如何岐伯曰人一呼脈再動一吸脈亦再

動呼吸定息脈五動閏以大息命曰平人人一呼脈

一動一吸脈一動曰少氣人一呼脈三動一吸脈三

動而躁尺熱曰病溫

尺之皮膚熱也

尺不熱脈滑曰病風脈

澇曰痺

滑謂陽盛澇謂無血

人一呼脈四動以上曰死脈絕不

至曰死乍疎乍數曰死

脈絕不至天真之氣已無乍疎乍數胃穀之精亦殫此皆

死之候也

春胃微弦曰平弦多胃少肝病胃而毛肺病

木受金邪也

夏胃微鈎曰平鈎多胃少心病胃而石腎病

火受水邪也

長夏胃微弱曰平弱多胃少脾病弱而弦肝病

一云弱而

石冬病

秋胃微毛曰平毛多胃少肺病毛而鈎心病

一云

毛而弦春病

冬胃微石曰平石多胃少腎病石而弱脾病

一云石而鈎夏病

胃大絡曰里虛實鬲絡肺出左乳下其動

應衣服宗氣也盛喘數絕者病在中結而橫有積

絕暫

斷也中腹中也

呼吸定息脈五動曰平

一呼一吸各再動定息一動則五動

常氣稟於

胃無胃氣曰逆

謂肝不弦心不鈎脾不弱肺不毛腎不石也

脈弱以滑是

有胸氣但代無胃曰死

脈來動而中止不能自還因而復動曰代陰也不治

六部平脈浮而散心之平弦而長肝之平按至骨舉


指來疾而實者腎之平也肺平浮而數脾胃平緩而

滿指凡診脈下指本部不平便可尋詳病情矣



一脈為十變者何謂也五邪剛柔相逢之意也假令  
心脈急甚者肝邪干心也心脈微急者膽邪干小腸  
也心脈緩甚者脾邪干心也心脈微緩者胃邪干小  
腸也心脈濇甚者肺邪干心也心脈微濇者大腸邪  
干小腸也心脈沉甚者腎邪干心也心脈微沉者膀  
胱邪干小腸也五臟各有剛柔邪故一脈輒變為十  
也

# 男女有相反圖



脈有逆順男女有恒而反者何謂也然男子生於寅寅為木陽也女子生於申申為金陰也故男脈在關上女脈在關下是以男子尺脈恒弱女子恒盛是其常也反者男得女脈女得男也

其為病何如然男得女脈為不足病在內左得之病在左右得之病在右隨病言之也女得男脈為太過病在四肢左得之病在左右得之病在右隨病言之此之謂也





甚矣診脈之難也王叔和脈經左手寸心小腸關肝  
膽尺腎膀胱右手寸肺大腸關脾胃尺命門三焦五  
臟六腑脈之定位也重按為臟臟者藏也輕取為腑  
腑者附也一指間重按分浮中沉輕取分浮中沉一  
部又分浮中沉數息且分至微何微乎尊生經男脈  
一如叔和女則左手寸命門三焦關脾胃尺肺大腸  
右手寸腎膀胱關肝膽尺心小腸男尺常弱初生微  
眇之氣女尺常強太陽心火之位也徧考方書悟褚

論為精男女陰陽分也姪則男抱母女背母溺則男面  
覆女面仰男命繫腎衰自下始故小腹先垂女命繫  
乳衰自上始故乳房先槁雲間儲泳祛疑篇同意庸  
醫渾醫死者可勝言哉

圖盛常脈尺子女

圖弱常脈尺子男



天地者萬物之父母也陰陽者血氣之男女也男子負陰而抱陽女子負陽而抱陰南方陽也北方陰也男子面南而生則兩寸在南而得其陽故寸脈洪大而尺脈微弱也女子面北而生則兩寸在北而得其陰故寸脈微弱尺脈洪大也男得女脈為不足女得男脈為太過脈訣云女人反此背看之尺脈第三同斷病正謂此也諸家論男女脈者惟此不詭于理彼混焉無辨者非也因反此背看之說即以左右相反

分男女者豈理也哉男子先診在左手女人先診在右手男子左脈大則順女人右脈大則順

### 論診脈大法

夫療病以識脈為先識脈必明金木水火土之理次察虛實賊微正之邪更復辨其部位則病若指其掌焉亢實洪弦緊伏沈濡滑浮瀦弱微遲緩皆左右手之主脈也左手三部所主溫風寒也溫風寒病得於外是外邪所感致五行不平也皆客隨主變客既隨

主而變所見者主脈而已右手三部所主燥濕暑也  
燥濕暑病生於內是內自傷五行自不能平也皆主  
隨客變主既隨客而變所見者客脈而已此脈法之  
大槩及其互相變見或左脈見之於右或右脈見之  
於左或陰陽更相乘或陰陽更相伏或一脈為十變  
脈理精微非一言可盡然其要不越乎陰陽五行而  
已且左右之脈五行分之各得三脈五三壹十五脈  
也孔實洪應心屬火弦緊伏應肝屬木沉濡滑應腎

屬水浮濇弱應肺屬金微遲緩應脾屬土至於五行當更相平一有不平病即見焉而又當詳審乎主脈客脈之相合何謂主洪弦沉濇緩是也何謂客本部不應得之脈皆是也能如是可盡知內傷外感主客標本之別判然在夫何繆哉

### 論辯臟腑脈法

蓋五臟六腑之脈詳觀素難脈經諸書俱載臟脈周備惟腑脈只言浮沉微甚即陰陽剛柔之義五臟屬

陰六腑屬陽配合表裏分為六部各司其職固臟腑  
之脈同部見焉臟脈主沈主微腑脈主浮主甚假令  
肺部如三菽之重與皮毛相得者肺脈也浮於三菽  
者太陽脈也大抵臟脈來微腑脈來甚者也難經有  
云然遲者臟也數者腑也亦陰陽之意耳但腑之脈  
分別五邪必于本臟互相推求明證定擬則庶無差  
誤矣

脈形狀歌



扎旁邊實中央虛浮按不足舉有餘滑脈往來流利  
動呼吸三至號為遲弱如浮細按欲絕伏脈重按要  
尋思緊若切繩如轉索沉須着骨乃得之緩而去來  
如小駛弦似弓弦狀莫違瀉帶細遲如剖竹實當長  
大帶強微洪來極大微極細濡類軟同水帛衣此是  
叔和真妙訣泄傳明白漏天機

論察脈之要

夫察脈之要莫急於人迎寸口是二脈相應如兩引

繩陰陽均則繩之大小等凡平人之脈人迎大于春  
夏寸口大于秋冬何謂人迎喉取之內經所謂別于  
陽者也越人不盡取諸穴之脈但取手太陰之行度  
魚際後一寸九分以為配陰陽之數而得關格之脈  
然不先求喉手引繩之義則昧尺寸陰陽關格之所  
起寸口倍于尺則上魚際而為溢故言溢者寸配尺  
極矣溢之脈一名外關一名內格一名陰乘之脈曰  
外關者自關已上外脈也陰拒陽而出故曰外格陰

主于寸動于尺今自關以上溢于魚際而以後伏行  
是謂陰壯乘陽而陽竭陽竭則死脈有是者死矣此  
所謂寸口四倍于人迎為關陰之脈者也關以後脈  
當一寸而沉過者謂尺中倍寸口至三倍則入寸而  
為覆故言寸者尺倍寸極矣覆之名一名內關一名  
外格一名陽乘之脈內關者關以下內脈也外格者  
陽拒陰而內入也陽生于陰尺動于寸今自關以下  
覆入尺澤而關以下脈伏行則為陽亢乘陰而陰竭

陰竭亦死脈有是者死矣此所謂人迎四倍于寸口而為格陽之脈也經曰人迎與寸口皆盛過四倍則為關格關格之脈羸不能極天地之精氣而死所謂關溢者復溢是也雖然獨覆獨溢則補瀉以生之尺部一盛瀉足太陽補足厥陰二盛瀉足太陰補足少陰三盛瀉足陽明補足太陰要皆二瀉而一補四盛則三極導之以鍼當取少陰太陰陽明之穴脈弱者取三陽於足脈數者取于手少陽二當于陰一至寸

而反之脈有九候者寓浮沉於寸關尺也且越人不  
取於十二經穴直以二經配合於手太陰行度自尺  
至寸九分之位復分三部部中有浮中沉以配天地  
人也

欽定四庫全書

圖書編  
卷七十二

六

圖書編卷七十二

欽定四庫全書

圖書編卷七十三

明 章潢 撰

人身同天地叙

七尺之軀何可與天地論小大百年之身何可與天地論修短况此身特軀殼耳于此身之骨骸臟腑經絡血脈縱能精究而深研之不過醫之小道也何必一一準諸天地哉吁此皆自小其身者也惟自小其

身故經營七尺之內與螻蟻同嗜欲醉夢百年之間  
與蜉蝣共旦暮可哀孰甚也不知天地非大人身非  
小也萬古非長百年非短也所以上下同流者自有  
在也蓋陰陽五行在天地人一也觀一歲十二月一  
日十二時人身之呼吸與天地通者果何物乎孟子  
謂天壽不貳修身以俟之所以立命也自此身之外  
更何命可立何心性可存而養也彼世之愚不肖者  
無論已間有賢哲之士計其生平慮非不周知非不



溥言非不詳行非不銳日夕殫精耗神遊魂夢景獨  
於此身漫不加之意焉其於本末內外輕重緩急且  
莫之辨又安望其贊化育參天地浩然塞兩間炯然  
照百代哉試覽此編人身與天地相同果強合之抑  
亦造化自然也懲七年之病者必求三年之艾當勿  
忽於此矣



# 天地人物氣候相應





經十二絡十五凡二十七氣血相貫無有休息故一  
歲陰陽升降會于立春一日陰陽曉昏會于寅時榮  
衛循環上應天之度數下應地之分野天有宿度地  
有經水人有經脈宿謂二十八宿度謂天之三百六  
十五度也經水者謂海水清水渭水湖水沔水江水  
淮漯水河水漳水濟水也以其內外經脈故名之曰  
經水焉經脈者謂手足三陰三陽之脈所以然者以  
內外參合人氣應之故言及也內足陽明外合海水

內足大腸外合清水內足少陰外合汝水內手陽明  
外合江水內手太陽外合淮水內手少陽外合漯水  
內手太陰外合河水內手心主外合漳水內手少陰  
外合濟水內外輸應氣衛于外以充皮膚血榮于中  
以營經絡周一體而無間應漏水百刻而不違一日  
一夜一萬三千五百息乃平人之常也察於陰陽決  
死生雖經絡流注如環之無端豈能逃于脈之三部  
耶至於草木昆蟲盡皆得氣之先所以雖乾枯陳朽

亦可以調臟腑而治疾病其氣同也觀人身氣血與  
天地氣候相應若此則人與天地萬物本同一體不  
信然哉

|  |  |  |  |  |  |  |  |  |
|--|--|--|--|--|--|--|--|--|
|  |  |  |  |  |  |  |  |  |
|--|--|--|--|--|--|--|--|--|



人 手足各三陰三陽

身 肝心脾肺腎五藏皆屬陰

陰 膽胃三焦膀胱大腸小腸六腑皆屬陽 分言之

陽 手足各三陰三陽

同 手三陰三陽

天 三焦寅相火手少陽 大腸卯燥金手陽明

地 小腸辰寒水手太陽 巳絡巳風木手厥陰

圖 心午君火手少陰 肺未濕土手太陰

足三陰三陽

膽申相火足少陽 胃酉燥金足陽明

膀胱戌寒水足太陽 肝亥風木足厥陰

腎子君火足少陰 脾丑濕土足太陰

足太陽與少陰為表裏少陽與厥陰為表裏陽明與  
太陰為表裏是為足之陰陽也手太陽與少陰為表  
裏少陽與心為表裏陽明與太陰為表裏是為手之  
陰陽也

帝曰願聞三陰三陽之離合

各為一位謂之離配為表裏謂之合

岐伯

曰聖人南面而立前曰廣明後曰大衝

此正位也心

曰廣明衝脈在北故後曰大衝

大衝之地名曰少陰少陰之上名曰

太陽

此為一合之經氣也後倣此

太陽根起於至陰結於命門名

曰陰中之陽

至陰穴名命門目也

中身而上名曰廣明廣明之

下名曰太陰太陰之前名曰陽明

胃為陽明脈行在脾脈之前脾為太

陰脈行在胃脈之後

陽明根起於厲兌名曰陰申之陽

厲兌穴名厥

陰之表名曰少陽

膽少陽脈行在肝脈之外肝厥陰脈行在膽脈之內

少陽根

起於竅陰名曰陰中之少陽

竅陰穴名

是以三陽之離合

也太陽為開陽明為闔少陽為樞

開者所以司化生之基闔者所以執

禁固之權樞者所以主動靜之微

三經者不得相失也搏而勿浮名

曰一陽

滑云一齊一也脈浮而不至於虛所以搏者胃氣也故曰一陽

願聞三陰岐

伯曰外者為陽內者為陰然則中為陰其衝在下名

曰太陰太陰根起於隱白名曰陰中之陰

隱白穴名

太陰

之後名曰少陰

脾藏之下近後則腎之位也

少陰根起於湧泉名

曰陰中之少陰

湧泉穴名

少陰之前名曰厥陰

腎藏之前近上則肝

之位也 厥陰根起於大敦名曰陰中之絕陰大敦穴名是故

三者之離合也太陰為開厥陰為闔少陰為樞三經

者不得相失也搏而勿沉名曰一陰滑云脈沉而不至於弱所以搏

者胃氣也故曰一陰○黃帝曰陰陽者天地之道也萬物之綱

紀變化之父母生殺之本始神明之府也治病必求

其本陰陽與萬類生殺變化猶然在人身同相參合故治病之道必先求之故積陽為

天積陰為地陰靜陽燥陽生陰長陽殺陰藏神農曰天以陽

生陰長地以陽殺陰藏陽化氣陰成形○天地者萬物之上下

也陰陽者血氣之男女也左右者陰陽之道路也水

火者陰陽之徵兆也陰陽者萬物之能始也故曰陰

在內陽之守也陽在外陰之使也

陰靜故為陽之鎮  
守陽動故為陰之

役使清陽為天濁陰為地地氣上為雲天氣下為雨

出地氣雲出天氣故清陽出上竅濁陰出下竅

上竅謂耳

目口鼻下竅謂  
前牀後牀也

清陽發腠理濁陰走五藏

此有質者也清

陽實四肢濁陰歸六府水為陰火為陽陽為氣陰為

味

滑云陽為氣陰為味此氣味二字以天地陰陽之  
化而言也陽在天成象氣之謂也陰在地成形味之

謂也 味歸形 形歸氣 氣歸精 精歸化 精食氣 形食味 則氣化則精

生味和 化生精 氣生形 氣養形也 精微之液 惟血化而成 形質之有資 氣行而立

故斯二者各 味傷形 氣傷精 過其節也 精化為氣 氣傷於

味 滑云五味入口 藏於胃以養五臟 氣過則傷之 氣傷於味也 陰味出下竅 陽氣

出上竅 味厚者為陰 薄為陰之陽 氣厚者為陽 薄為

陽之陰 味厚則泄 薄則通 氣薄則發 泄厚則發 熱 陰氣

潤下故厚味則泄 利陽氣炎上故氣厚則發 熱味薄為陰 少故通 泄氣薄為陽 少故汗出 壯火之

氣衰 少火之氣壯 壯火食氣 氣食少火 壯火散氣 少

火生氣

氣生壯火故云壯火食氣少火滋氣故云氣食少火以壯火食氣故氣得壯火則耗散以

少火益氣故氣得少火則生長人之陽氣少壯亦然。○滑云少而壯壯而衰理則然也。 氣味平

甘發散為陽酸苦涌泄為陰。○陽氣者若天與日失

其所則折壽而不彰故天運當日以光明是故陽因

而上衛外者也欲如運樞起居如驚神氣乃浮欲如

謂內動也起居如驚謂暴卒也 ○陽氣一日而主外晝則陽氣在外 平旦人

氣生日中而陽氣隆日西而陽氣已虛氣門乃閉是

故暮而收拒無擾筋骨無見霧露反此三時形乃困



薄

且暮陽氣衰內行陽分故宜北斂以非虛邪

○陰中有陰陽中有陽平

旦至日中天之陽陽中之陽也日中至黃昏天之陽陽中之陰也合夜至雞鳴天之陰陰中之陰也雞鳴至平旦天之陰陰中之陽也故人亦應之夫言人之陰陽外為陽內為陰言人身之陰陽則背為陽腹為陰言人身中藏府之陰陽則藏者為陰府者為陽肝心脾肺腎五藏皆為陰膽胃大腸小腸膀胱三焦六府皆為陽所以欲知陰中之陰陽中之陽者何也為

冬病在陰夏病在陽春病在陰秋病在陽皆視其所  
在為施鍼石也。○背為陽陽中之陽心也背為陽陽  
中之陰肺也腹為陰陰中之陰腎也腹為陰陰中之  
陽肝也腹為陰陰中之至陰脾也此皆陰陽表裏內  
外雌雄相輸也故以應天之陰陽也。○天氣通於肺

位高而  
氣清也

地通於隘

隘在首為下且  
有陰受之義

風氣通於肝

風生  
木也

雷氣通於心

雷象大  
之有聲穀氣通於脾

土爰稼穡  
故穀氣通於脾

雨氣通於腎

兩腎  
皆水

六經為川

流注不  
息也

腸胃為海

皆受  
納也

九竅為水注之氣

滑云九竅之氣流通不滯猶水之流注也

以天地為之

陰陽以人事配象之陽之汗以天地之雨名之陽之

氣以天地之疾風名之暴氣象陰逆氣象陽○寒極

生熱熱極生寒寒氣生濁熱氣生清

言正氣也

清氣在下

則生餐泄

熱在下則穀不化也

濁氣在上則生臃脹

寒氣痞塞不能和暢

此陰陽反作病之逆從也○天不足西北故西北方

陰也而人右耳目不如左明也

在上法天

地不滿東南故

東南方陽也而人左手足不如右強也

在下法地

曰何以

然曰東方陽也陽者其精并於上并於上則上明而下虛故使耳目聰明而手足不便也西方陰也陰者其精并於下并於下則下盛而上虛故其耳目不聰明而手足便也故俱感於邪其在上則右甚在下則左甚此天地陰陽所不能全也故邪居之凡陰陽之要陽密乃固兩者不和若春無秋冬無夏因而和之是謂聖度故陽強不能密陰氣乃絕陰平陽秘精神乃治陰陽離決精氣乃絕

天 地 六 位 臟 象 之 圖

上二位天屬 中二位人屬 下二位地屬

太虛 天面 風雲 萬物 之路 地面 黃泉

金 金火 合德 火 木 木火 合德 火 土 土水 合德 水

金主清 君火主熱 風木主溫 相火主極熱

濕土涼 寒水主寒

肺 上焦 象天 心色絡 肝 中焦 象人 膽次 脾 下焦 象地 腎 黃泉

上絡大腸 下絡小腸 下絡膽經 下絡胃 膀胱 傍絡

天 地 六 位 臟 象 總 圖

上二位天屬 中二位人屬 下二位地屬

太虛 天面

風雲之路

萬物之路

地面

黃泉

金 金火

合德

火

木

木火合德

火

土

土水合德

水

金主清

君火主熱

風木主溫

相火主極熱

濕土主涼

寒水寒

肺

上焦象天

心包絡

肝中焦象人

膽次

脾

下焦象地

腎

黃泉

下絡大腸

下絡小腸

下經膽經

下絡胃

傍絡膀胱

帝曰藏象何如象謂所見於外可聞者也岐伯曰心者生之本神

之變也其華在面其充在血脈為陽中之太陽通於

夏氣心王於夏氣合太陽謂太陽居於夏火之中也肺者氣之本魄之處也

其華在毛其充在皮為陽中之太陰通於秋氣肺王於秋

謂太陰居於陽分也腎者主蟄封藏之本精之處也其華在髮

腎者水也在高源宜其華在髮也抑髮者血之餘血者水之類又其色黑其充在骨謂陰

中之少陰通於冬氣謂成陰居冬陰之分也肝者罷音皮之本謂肺

主筋屬乎木又肝者幹也人之運動由於筋力象木之動也動則多勞故云罷極魂之居也

其華在爪其充在筋為陽中之少陽通於春氣

謂少陽居

於陽位而王於春也

脾胃大腸小腸三焦膀胱者倉廩之官營

之居也

營謂營運居猶處也蓋脾為輸轉之官故也

名曰器能化糟粕轉

味而入出者也其華在唇四白

謂唇四際白色肉也

其充在肌

此至陰之類通於土氣

以脾屬土土為至陰

凡十一藏取決於

膽也

膽者中正剛斷而無偏私故也滑云脾胃大腸云云至道於土氣此處疑有誤今訂証云脾者

倉廩之本營之居也其華在唇四白其充在肌此至陰之類通於土氣胃大腸小腸三焦膀胱名曰器能

化糟粕轉味而入出者也

帝曰五藏應聲四時各有收受乎岐伯



曰有東方青色入通於肝開竅於目藏精於肝

精謂精氣

陽升之方以目為用故開竅於目

其病發驚駭

肝藏魂病則魂不安也

其味酸

其類草木其畜雞

易曰巽為雞

其穀麥

麥色蒼

其應四時上

為歲星

木之精也餘四星准此

是以春氣在頭也

萬物發榮於上

其音

角其數八

木生數三成八數

其臭臊是以知病之在筋也其

在聲為呼

謂叫呼

在變動為握

把握屬筋

在志為怒怒傷肝

甚則自傷也

悲勝怒

悲則肺金尅肝

風傷筋

風勝則經絡拘急

酸傷氣

風酸

皆自傷也

辛勝金南方赤色入通於心開竅於耳

手少陰之絡會

耳於藏精於心故病在五藏心主五藏其味苦其類火其畜

羊離為羊其穀黍黍色赤其應四時上為熒惑星是以知

病之在脈也其音徵其數七火生數二成數七其臭焦火變則為

魚其在聲為笑在變動為憂在志為喜喜傷心恐勝

喜恐則腎水尅心火熱傷氣寒勝熱苦傷氣熱苦皆傷已所勝也鹹勝

苦鹹水中央黃入通於脾開竅於口藏精於脾脾為化穀

口上逆狼故故病在舌本脾脈上連於舌本其味甘其類土

其畜牛坤為牛其穀稷色黃而味甘其應四時上為鎮星是以

知病之在肉也其音宮其數五其臭香其在聲為歌

在變動為噦

噦謂噦

在志為思思傷脾怒勝思

怒則濕不思

傷肉風勝濕甘傷肉

甘濕皆自傷也

酸勝甘西方白色入通

於肺開竅於鼻藏精於肺故病在背

肺在胸中背為胸為府

其

味辛其類金其畜馬

乾為馬

其穀稻

稻白色

其應四時上

為大白星是以知病之在皮毛也其音商其數九

金生

數四成數九

其臭腥其在聲為哭在變動為歎在志為憂

憂傷肺喜勝憂

喜則心火尅肺金

熱傷皮毛

是被勝傷已也

寒勝熱

辛傷皮毛

是自傷也

苦勝辛

苦火

北方黑色入通於腎開

竅於二陰藏精於腎

腎藏精陰泄注故開竅於二陰

故病在谿

谿謂肉之

小會冬氣居內故病在深處

其味鹹其類水其畜彘

亥為彘

其穀豆

豆黑色

其應四時上為辰星是以知病之在骨也其音

羽其數六

水生數一成數六

其臭腐其在聲為呻在變動為

慄

謂戰

在志為恐恐傷腎思勝恐寒傷血燥勝寒鹹

傷血

食鹹而渴傷血可知寒鹹皆傷已所勝也大素血作骨下同

帝又問曰願聞

十二藏之相使

並去聲

貴賤何如岐伯曰心者君主之

官神明出焉肺者相傳之官治節出焉

肺附於心故曰相傳主行

營衛故曰治節

肝者將軍之官謀慮出焉

勇而能斷故曰將軍

膽者中

正之官決斷出焉臆中者臣使之官喜樂出焉

臆中在胸

中兩乳間為氣之海氣和志通則喜樂由生

脾者倉廩之官五位出焉大

腸者傳道之官變化出焉小腸者受盛之官化物出

焉腎者作強之官伎巧出焉

強於作用故曰作強造化形容故曰伎巧三

焦者決瀆之官水道出焉

引道陰陽開通閉塞不通

膀胱者州都

之官津液出焉氣化則能出矣

位當孔府故為都官若得氣海之氣施化

則洩便注泄氣海之氣不及則閉塞不通矣

凡此十二官不相失也故主

明則下安以此養生則壽沒世不殆以為天下則大

昌

主即心也心者君主之官神明出焉故心既明以攝生則壽以處世則安以治天下則昌皆實理也

主不明則十二官危使道閉塞而不通形乃大傷以

此養生則殃以為天下者其宗大危戒之戒之○心

之合脈也其榮色也

發見於面之色皆心之榮

其主腎也

隨其所畏則德

命馬○火畏水故心聽命於腎○藏義皆同

肺之合皮也其榮毛也

毛附皮

其主心也肝之合筋也其榮爪

爪者筋之餘

其主肺也脾

之合肉也其榮唇也其主肺也腎之合骨也其榮髮也其主脾也○帝曰余聞方士或以腦髓為藏或以腸胃為藏或以為府願聞其說岐伯曰腦髓骨脈膽女子胞此六者地氣之所生也皆藏於陰而象於地故藏而不寫去聲名曰奇恒之府奇異也恒常也此六者異於下文六府故云胃大腸小腸三焦膀胱此六者天氣之所生也其氣象天天氣地氣以動靜言故寫而不藏此受五藏濁氣名曰傳化之府此不能久留輸寫者也魄門亦為五藏使

水穀不得久藏

魄門肛門也內通於肺故云

五藏者藏精氣而不

瀉也故滿而不能實

精氣為滿水穀為實

六府者傳化物而不

藏故實而不能滿也所以然者水穀入口則胃實而

腸虛食下則腸實而胃虛故曰實而不滿滿而不實

也帝曰氣口何以獨為五藏主岐伯曰胃者水穀之

海六府之大源也五味入口藏於胃以養五藏之氣

氣口亦太陰也

五藏之氣輸於肺肺為太陰氣由出入故曰氣口亦太陰也

是以

五藏六府之氣味皆出於胃變見於氣口故五氣入



鼻藏於心肺心肺有病而鼻為之不利也

滑云五氣入鼻以下

與上文義不相發豈因五味入口而遂及於五氣入鼻耶

心藏神

靈樞經曰兩精相薄謂之神

肺藏魄

並精而出入者謂之魄

肝藏魂

隨神而往來謂之魂

脾藏意

心有所意

謂之意

腎藏志

謂之志

故神藏五形藏四合為九藏

也 神藏心藏神五者是也以其皆神氣居之故云

形藏一頭角二耳目三口齒四胸中也

|  |  |  |  |  |  |  |  |  |
|--|--|--|--|--|--|--|--|--|
|  |  |  |  |  |  |  |  |  |
|--|--|--|--|--|--|--|--|--|

臟 腑 配 五 行 圖

五臟屬陰 陽干為兄

甲 膽 乙 肝 東方木

丙 小腸 丁 心 南方火

戊 胃 己 脾 中央土

庚 大腸 辛 肺 西方金

壬 膀胱 癸 腎 北方水

六腑屬陽 陰干為弟

相合而為表裏

# 經絡配四時圖

天非純陽亦有三陰天以陽生陰長而為春夏

寅手少陽三焦經 巳手厥陰心包絡經

春卯手陽明大腸經生 夏午手少陰心之經長

手之經 絡應天

辰手太陽小腸經 未手太陰肺之經

天時十二月 人身十二經 地支十二位

申足少陽膽之經 亥足厥陰肝之經

秋酉足陽明胃之經殺 冬子足少陰腎之經藏

足之經 絡應地

戌足太陰膀胱經 丑足太陰脾之經

地非純陰亦有三陽地以陽殺陰藏而為秋冬

五方氣味

東方甲風乙木其氣溫其味甘在人以肝膽應之

南方丙熱丁火其氣熱其味辛在人以心小腸三焦  
色絡應之

中央戊濕其本氣平其兼氣溫涼寒熱在人以胃應  
之

中央己土其本味鹹其兼味辛甘酸苦在人以脾應  
之

西方庚燥辛金其氣涼其味酸在人以肺大腸應之  
北方壬寒癸水其氣寒其味苦在人以腎膀胱應之  
按人乃萬物中之一也獨陽不生獨陰不長須稟兩  
儀之氣而化生也然輕清成象重濁成形本乎天者  
親上本乎地者親下則各從其類也輕中清者清肺  
以助天真清中濁者榮華腠理濁中清者榮養於神  
濁中濁者堅強骨髓故至真要大論云五味陰陽之  
用辛甘發散為陽酸苦涌泄為陰淡味滲泄為陽鹹

味涌泄為陰六者或收或散或緩或急或燥或潤或  
熯或堅各以所利而行之調其氣使之平也

按五行五色五味五走五藏所禁

東方之木其色青其味酸其藏肝肝主筋木曰曲直  
曲直作酸酸走肝筋病肝者毋多食酸

南方之火其色赤其味苦其藏心心主血火曰炎上  
炎上作苦苦走心病在心者毋多食苦

西方之金其色白其味辛其藏肺肺主氣金曰從革

從革作辛辛走肺病肺者毋多食辛

北方之水其色黑其味鹹其藏腎腎主骨水曰潤下  
潤下作鹹鹹走腎骨腎病者毋多食鹹

中央之土其色黃其味甘其藏脾脾主肉土曰稼穡  
稼穡作甘甘走肉人病脾者毋多食甘


按人生日用不離氣味補瀉在味隨時異氣凡氣薄  
為陽中之陰氣厚者為陽中之陽味薄為陰中之陽  
味厚者為陰中之陰辛甘淡之熱者為陽中之陽辛



甘淡之寒者為陽中之陰酸苦鹹之寒者為陰中之  
陰酸苦鹹之熱者為陰中之陽夫辛甘淡鹹苦酸乃  
味之陰陽又為地之陰陽也溫涼寒熱乃氣之陰陽  
又為天之陰陽也氣味生成而陰陽造化之機存焉  
日用飲食與夫病疾藥物審其氣味的而量之調攝  
之道備是矣



# 五行相生相勝之圖



每一臟俱有兩勝兩  
 生色之與脈皆見本  
 臟謂之相應否則不  
 相生即相勝矣下工  
 知一中工知二上工  
 則知斯三者矣


五臟有五色皆見於面關與寸口尺內相應假令色青其脈當弦而急色赤其脈浮大而散色黃其脈中緩而大色白其脈浮濇而短色黑其脈沉濡而滑此所謂五色之與脈當參相應也

天  
地  
人  
物  
事  
理


圖書  
編

四  
十

陽年太過主勝客負之圖



陰年不及之主客勝之圖



岐伯曰天度者所以制日月之行也氣數者所以紀

化生之用也天為陽地為陰日為陽月為陰行有分

紀周有道理日行一度月行十三度而有奇焉故大

小月三百六十五日而成歲積氣餘而盈閏矣天體

三百六十五度故三百六十五日而後成歲然一歲

十二月一月三十日三百六十一日一歲之常數也故

日與天會一歲而多五日為氣盈月與天會而立端

於始表正於中推餘於終而天度畢矣端首也始初也表彰信也

正斗建也中月半也推退位也言立其首氣初節之日示斗建於月半之辰退餘閏於相望之後是以閏



之前則氣不及月閏之後則月不及氣也故歷元云  
其候閏某月節閏某月中也推中之義斷可知乎故  
曰立端於始表正於中推餘於終也  
由斯推日成閏故能令天度畢焉 天有十日由六

竟而周甲甲六復而終歲三百六十日法也帝曰夫

子之言積氣盈閏願聞何謂氣岐伯曰五日謂之候

三候謂之氣六氣謂之時四時謂之歲而各從其主

治焉五運相襲而皆治之終期之日周而復始時立

氣布如環無端候亦同法故曰不知年之所加氣之

盛衰虛實之所起不可以為工矣

時立氣布氣即脈  
氣謂時至脈亦至

也曰五運之始如環無端其太過不及何如曰五氣

更立各有所勝盛虛之變此其常也曰平氣何如曰

無過者也曰太過不及奈何曰在經有也曰何謂所

勝曰春勝長夏長夏勝冬冬勝夏夏勝秋秋勝春所

謂得五行時之勝各以氣命其藏

以氣命藏如春之木內合肝之類是

也命名也

曰何以知其勝曰求其至也當歸始春

謂立春之前曰

大寒之氣也

未至而至此謂太過則薄所不勝而乘所勝

也命曰氣淫至而不至此謂不及則所勝妄行而所

生受病所不勝薄之也命曰氣迫所謂求其至者氣

至之時也

凡氣之至皆謂立春前五日乃候之初也未至而至謂所直之氣未應至而先期至也

先期而至是氣有餘故曰太過至而不至謂所直之氣應至不至而後期至後期而至是不足故曰不及凡五行之氣我尅者為所勝尅我者為所不勝生我者為所生五臟之氣內相淫并為病故命氣淫餘太過例同又如木氣不平土金交薄相迫為疾故曰氣迫也餘不及例皆同謹候其時氣可

與期失時反候五治不分邪辟内生工不能禁也曰

有不襲乎曰蒼天之氣不得無常也氣之不襲是謂

非常非常則變矣曰非常而變柰何曰變至則病所

勝則微所不勝則甚因而重感於邪則死矣故非其時則微當其時則甚也○厥陰之至其脈弦少陰之至其脈鈞太陰之至其脈沈少陽之至大而浮陽明之至短而濇太陽之至大而長至而和則平至而甚則病至而反則病至而不至者病未至而至者病陰陽易者危

一暮之中主運以位而相次于下客運以氣而周流於上客氣加於主運之上主氣臨于客氣之下天時

所以不齊民病所由生也然運氣之所以有變者氣  
相得則和不相得則病又有相得而病者以下臨上  
不當位也五行相生者為相得相尅者為不相得上  
臨下為順下臨上為逆大要陽年先天時化則已強  
而以氣勝實故不勝者受邪陰年後天時化則已弱  
而以氣休衰故勝已者來尅被尅之後必待時而復  
也行復于所勝則已不可前故待得時則子當旺然  
後子為母復離也經曰先立其年以明其氣每年先

立運氣審其太過不及然後以地之主氣為本天之  
容氣加臨于上為標以求六化之變如氣之勝也微  
者隨之甚者制之氣之復也和者平之暴者奪之皆  
隨氣安其屈伏以平為期餘詳天道運氣編

五運主病

諸風掉眩皆屬肝木

掉搖也眩昏亂旋運也風主動故也所謂風氣甚而  
頭目眩運也由風木旺必是金衰不能制木而木復

生火風火皆屬陽多為兼化陽主乎動兩動相搏則為之旋轉故火本動也焔得風則自然旋轉如春分至小滿為二之氣乃君火之位自大寒至春分七十二日為初之氣乃風木之位故春分之後風火相搏則多起飄俗謂之旋風是也四時皆有之由五運六氣千變萬化衝盪擊搏推之無窮安得失時而便謂之無也但有微甚而已人或乘車躍馬登舟環舞而眩運者其動不正如左右紆曲故經曰曲直動搖風

之用也眩運而嘔吐者風熱甚故也

諸痛痒瘡瘍皆屬心火

人近火氣者微熱則痒熱甚則痛附近則灼而為瘡  
皆火之用也或痒痛如針輕刺者猶飛迸火星灼之  
然也痒者美疾也故火旺于夏而萬物蕃鮮美榮也  
災之以火漬之以湯而痒轉甚者微熱之所使也因  
而痒去者熱冷皮膚縱緩腠理開通陽氣得泄熱散  
而去故也或夏熱皮膚痒而以冷水沃之不去者寒



能收斂腠理閉密陽氣鬱結不能散越拂熱內作故也痒得爬而解者爬為火化微則亦能令痒甚則痒去者爬令皮膚辛辣而屬金化辛能散故金化見則火力分而解矣或云痛為實痒為虛者非謂虛而寒也正謂熱之微甚也或疑瘡痒皆屬火熱而反腐出膿水者何也猶穀肉果菜熱極則腐爛而潰為汙水也潰而腐爛者水之化也所謂五行之理過極則勝已者反來制之故火熱過極則反薰於水化又如鹽

能固物令不腐爛者鹹寒水化制其火熱使不過極  
故得久固也萬物皆然

諸濕腫痛皆屬脾土

土地之體也土濕極盛則否塞腫滿天時亦然故長  
夏屬土則庶物隆盛也

諸氣臏鬱病痿皆居肺金

臏謂臏滿也鬱謂奔迫也痿謂手足痿弱無力以運  
動也大抵肺主氣氣為陽陽主輕清而升故肺居上


部病則其氣牘滿奔迫不能上升至於手足痿弱不能收持由肺金本燥燥之為病血液衰少不能榮養百骸故也經曰手指得血而能攝掌得血而能握足得血而能步故秋金旺則霧氣濛鬱而草木萎落病之象也萎猶痿也

諸寒收引皆屬腎水

收斂引急寒之用也故冬寒則拘縮矣

|  |  |  |  |  |  |  |  |  |
|--|--|--|--|--|--|--|--|--|
|  |  |  |  |  |  |  |  |  |
|--|--|--|--|--|--|--|--|--|

# 氣血分流轉晝夜圖



周天三百六十五度太陽一日行一度從房至胃十  
四宿為陽主晝正人身血氣行陽二十五度也從昴  
至氐十四宿為陰主夜正人身氣血行陰二十五度  
也蓋人身經絡共長一十六丈手三陽之脈從手至  
頭長五尺五六合三丈手三陰之脈從手至胃中長  
三尺五寸三六一丈八尺五六三尺合二丈一尺足  
三陽之脈從足至頭長八尺六八四丈八尺足三陰  
之脈從足至胃中長六尺五寸六六三丈六尺五六

三尺合三丈九尺人兩足躡脈從足至目長七尺五寸二七一丈四尺二五一尺合一丈五尺督脈任脈各長四尺五寸二四八尺二五一尺合九尺凡脈長一十六丈二尺也人一呼脈行三寸一吸脈行三寸呼吸定息脈六寸十息脈行六尺百息脈行六丈二百七十息脈行一十六丈二尺氣血周身一度也漏水下二刻焉至明日寅時周身五十度脈行八百一十丈該一萬三千五百息漏水下百刻焉日行一十

八舍也其始從中焦注手太陰陽明陽明注足陽明  
太陰太陰注手少陰太陽太陽注足太陽少陰少陰  
注手厥陰少陽少陽注足少陽厥陰厥陰循環還注手  
太陰周而復始循環無端氣主响之血主濡之脈在  
其中為之樞紐也春秋分晝夜兩停脈行五十度合  
乎正數也若冬至之後晝四十刻夜六十刻陰多陽  
少氣血凝澁而脈道遲止行四十度也夏至之後晝  
六十刻夜四十刻陽多陰少氣血滑利而脈道疾反



行六十度也若天氣暴熱脈行亦疾天氣暴寒脈行亦遲故人不能調養以順造化之氣則病生而脈變矣

周身血氣晝夜循環歌

人身血氣無暫息動靜周流在呼吸呼行三寸吸亦然一息定行六寸的二百七十息數來脈行十六丈二尺積此周身一度過補瀉分明知滑澁試問一時息幾多千百二十五無一脈行六十七丈五四度周

身尚餘刻更將餘刻為君明四十五息二丈七晝夜  
循環息幾何一萬三千五百脈行八百一十丈度行  
五十週身畢此是平人脈氣歌遲冷數熱為難測



人一呼脈行三寸一吸脈行三寸呼吸定息脈行六寸一日一夜凡一萬三千五百息脈行五十度周於身漏水下百刻榮衛行陽二十五度行陰亦二十五度為一周也故五十度復會於手太陰寸口者五臟六腑之所終始故法取於寸口也

人平人也人身之脈貫串於經中呼行三寸吸行三寸呼吸畢而謂定息也一息之間脈行六寸人身脈度手足三陰三陽兩躡脈并督任脈共計一十六丈

二尺黃帝曰蹻脈有陰陽何脈當其數岐伯曰男子數其陽女子數其陰水下一刻計一百三十五息脈行八丈一尺二刻計二百七十息脈行一十六丈二尺為一周一時八刻有奇脈行四周有奇也自寅時注肺初行一時呼吸氣計一千一百二十五息脈行計六十七丈五尺至卯時計二千二百五十息脈行一百四十四丈以次相傳至丑時計一萬三千五百息脈行八百一十丈已畢自平旦寅時起於手太陰

脈經水初不漏至丑時終於厥陰肝經下漏百刻盡矣二刻一周共五十度周身榮者血也衛者氣也血為氣之配氣升血亦升氣降血亦降二者不得相離但晝則行陽氣得令於晝夜則行陰血得令於夜內經曰平旦盡陰陽氣出于目目張則氣上行于頭循項下足太陽循背下至小指之端其散者別於目銳眦背下手太陽下至手小指之間外側其散者別於目銳眦背下足少陽注小指次指之間以上循乎少陽之

分側下至小指之間別者以上至耳前合於額脈注  
足陽明以下至跗上入五指之間其散者背下下手  
陽明入大指之間入掌中其至於足也入足心出內  
踝下行陰分復合於目故為一周晝則行陽二十五  
度至此陽盡於陰陰受氣矣其始入於陰常從足少  
陰注腎腎注於心心注於肺肺注於肝肝注於脾脾  
復注於腎為一周行陰亦二十五度而復合於目營  
周不休分為晝夜日中而陽隆為重陽夜半而隆陰

為重陰夜後而陰衰平旦陰盡而陽受氣矣日西而陽衰日入陽盡而陰受氣矣目動則行陽目合則行陰即太極動而生陽靜而生陰之理也行陽從寅而至申行陰從申而至寅也行陽行陰度數亦二刻而一周氣血流通俱可謂脈又更言榮衛而不言脈者蓋因榮衛行陽止行周於諸腑行陰止行周於諸臟陰陽各二十五度行陽而行陰陰盡而復陽始為一周身脈則出入臟腑循環無已者也脈之度每度周



於身故云五十度周於身脈與榮衛俱始會於寅終於丑也其始會脈則從太陰傳注餘經榮衛則從太陰上目復行陽而抵陰肺朝百脈寸口肺經也故百脈變見於寸口診脈決斷之法舍此其何以取之哉

欽定四庫全書

卷七十三

經脈丈尺之數合天文宿度始從中焦流注之圖




宿度每度俱有零數圖內止舉其成數耳不及備言其零欲得其詳必如五星通軌度分斯可矣惟柳度無零數也

經脈十二絡脈十五何始何窮也然經脈者行血氣  
通陰陽以榮於身者也其始從中焦注手太陰陽明  
陽明注足陽明太陰太陰注手少陰太陽太陽注足  
太陽少陰少陰注手心主少陽少陽注足少陽厥陰  
厥陰復還注手太陰別絡十五皆因其原如環無端  
轉相灌溉朝於寸口人迎以處百病而決死生也  
直行者謂之經旁行者謂之絡窮即終也其注始於  
太陰而終於厥陰終而又復始也

易曰水洊至習坎愚按靈樞經云日行二十八宿人  
經脈上下左右前後二十八宿周身十六丈二尺以  
應二十八宿漏水下百刻以分晝夜故人一呼脈再  
動氣行三寸一吸脈亦再動氣行三寸呼吸定息氣  
行六寸十息氣行六尺日行二分二百七十息氣行  
十六丈二尺氣行交通壬中一周于身下水二刻日  
行二十五分五百四十息氣再周于身下水四刻日  
行四十分二千七百息氣行十周于身下水二十刻

日行五宿二十分一萬三千五百息氣行五十營于  
身水下百刻日行二十八宿漏水皆盡脈絡矣凡行  
八百一十丈也又云氣之行如水之流如日月之行  
不休故陰脈營其藏陽脈營其府如環之無端莫知  
其紀終而復始愚謂人身氣血常常流通則安一有  
壅滯則病養身之道息息相繼如水之洑至而其流  
相續則真氣上下灌注亦如水之流通也

# 四時平脈應天運圖



天之陰陽左升而右降上浮而下沉所以為四時之序也人之氣血春升而秋降夏浮而冬沉所以為四時之脈也四時之序謂生長化收藏也四時之脈謂弦鈎緩毛石也春三月天氣溫和萬物發生肝經木旺脈來輕虛而滑端直以長故曰弦夏三月天氣暑熱萬物盛長心經火旺脈來盛去衰前屈後居故曰鈎秋三月天氣清涼萬物凋零肺經金旺脈來輕虛以浮故曰毛冬三月天氣凜冽萬物閉藏腎經水旺



脈來沈濡而滑故曰石經曰春日浮如魚之在波夏日在膚泛泛乎萬餘秋日下膚蟄蟲將去冬日在骨蟄蟲周密君子居室以其脈應天地之運所以有規矩權衡之譬也應時而見曰平太過曰病不及曰病反時而見曰死謂春得秋脈秋得夏脈夏得冬脈冬得長夏脈長夏春脈五行相尅鬼賊之脈見也脈有胃氣曰平故曰微弦微鈎微毛微石五臟胃氣而見也脈無胃氣曰死故真肝脈至中外急如循刀刀責

責然如按琴瑟絃色青白不澤毛曰乃死真心脈至  
堅如搏如循薏苡子累累然色赤黑不澤毛折乃死  
真肺脈至大而浮如以毛羽中人膚色白赤不澤毛  
折乃死真腎脈至搏而絕如指彈石劈劈然色黑黃  
不澤毛折乃死真脾脈至如屋漏雀啄色黃青不澤  
毛折乃死是不兼胃氣也故人以脈氣為宗以胃氣  
為本也

四時脈考

帝曰春脈如何而弦岐伯曰春肝也東方木也萬木之所以始生也故其氣來栗弱輕虛而滑端直以長故曰弦反此者病曰如何而反曰其氣來實而強此謂太過病在外其氣來不實而微此謂不及病在中太過則令人喜怒忽忽眩冒而顛疾其不及則令人胸痛引背下則兩脅滿曰夏脈如何而鉤曰夏脈者心也南方火也萬物之所以盛長也故其氣來盛去衰故曰鉤反此者病曰如何而反曰其氣來盛去亦

盛此謂太過病在外其氣來不盛去反盛此謂不及  
病在中太過則令人身熱而痛膚為浸淫其不及則  
令人煩心上見咳唾下氣泄曰秋脈如何而浮曰秋  
脈肺也西方金也萬物之所以收成也故其氣輕虛  
以浮來急去散故曰浮反此者病曰如何而反曰其  
氣來毛而中堅兩傍虛此謂太過病在外其氣來毛  
而微此謂不及病在中太過則令人逆氣而背痛愠  
愠然其不及則令人喘呼少氣而欬上氣見血下聞

病音曰冬脈如何而營曰冬脈腎也北方水也萬物

之所以合藏也故其氣來沈以搏故曰營反此者病

曰何如而反曰其氣來如彈石者此謂太過病在外

其去如數者此謂不及病在中太過則令人解休困弱

貌脊脈痛而少氣不欲言其不及則令人心懸如病

饑眇中青脊中痛小腹滿小便變助者俠腎兩傍空軟處也清涼也

曰脾脈獨何主曰脾脈土也孤藏以灌四傍者也不


正主四時故善者不可見惡者可見其來如水之流

謂之孤藏

者此謂太過病在外如鳥之啄者此謂不及病在中  
太過則令人四肢不舉中氣不和其不及則令人九竅不

通

人面耐寒之圖



諸陽皆上 至於頭耳 諸陽之 人頭者 會也諸 陰脈皆 至頸胸 中而還 獨諸陽 脈皆至 上頭耳 故面耐 寒也

# 四時胃氣之圖

|  |  |            |                               |
|--|--|------------|-------------------------------|
| 秋毛   | 元氣吹風   |            | 夏鉤                            |
| <p>胃氣不<br/>上不下<br/>胃氣不<br/>上不下<br/>胃氣不<br/>上不下</p> | <p>胃氣不<br/>上不下<br/>胃氣不<br/>上不下<br/>胃氣不<br/>上不下</p> | <p>死病平</p> | <p>但鉤無胃<br/>如鉤無胃<br/>如鉤無胃</p> |
| <p>胃氣不<br/>上不下<br/>胃氣不<br/>上不下</p>                 | <p>胃氣不<br/>上不下<br/>胃氣不<br/>上不下</p>                 | <p>死病平</p> | <p>但鉤無胃<br/>如鉤無胃<br/>如鉤無胃</p> |
| 冬石   | 石  |            | 春弦                            |



平人之常氣稟於胃胃者平人之常氣也人無胃氣

曰逆逆者死

逆者反常也

春胃微弦曰平

言微似弦不謂微而弦也鈎及

軟弱更毛石義並同

弦多胃少曰肝病但弦無胃曰死胃而有

毛曰秋病

從秋盛也

毛病曰今病

木受金邪故今病也

藏真散於肝

肝藏

平聲下同

筋膜之氣也

藏真藏之真氣胃氣是也凡人胃中有元氣謂真液所以

生五藏者也

又曰平肝脈來更弱招招如揭長竿末稍曰

平

言長更也

春以胃氣為本病肝脈來盈實而滑如循長

竿曰肝病

長而不更

死肝脈來急益勁如新張弓弦曰肝

死

勁強急之甚也

又曰真肝脈來中外急如循刀刃責責然

如按琴瑟絃色青白不澤毛折而死

無餘物和雜故曰真五藏之氣

皆胃氣和之不得獨用獨用則死餘四藏準此

夏胃微鈞曰平鈞多胃少曰

心病但鈞無胃曰死胃而有石曰冬病石甚曰今病

藏真通於心心藏血脈之氣也又曰平心脈來累累

如連珠如循琅玕曰心平夏以胃氣為本病心脈來

喘喘連屬其中微曲曰心病死心脈來前曲後居如

操帶鈞曰心死居不動也 又曰真心至堅而搏如

循薏苡子累累然也色赤黑不澤毛折乃死

累累喘皆連

續成中兒

長夏胃微熈弱曰平弱多胃少曰脾病但代無

胃曰死熈弱有石曰冬病

土令見水脈虛邪也以其土衰水乘之金令見木脈

木令見火脈皆然

弱甚曰今病藏真濡於脾脾臟肌肉之氣

也又曰平脾脈來和柔相離如雞踐地曰脾平

動數相離

緩急和調

長夏以胃氣為本病脾脈來實而盈數如雞舉

足曰脾病

越人以為心病也

死脾脈來銳堅如鳥之啄如鳥

之距如屋之漏如水之流曰脾死

鳥啄鳥距者言銳而堅水流者平至

不鼓屋漏者  
時動復住

又曰真脾脈至弱而乍數乍疎色黃青

不澤毛折乃死秋胃微毛曰平毛多胃少曰肺病但

毛無胃曰死毛而有弦曰春病弦甚曰今病藏真高

於肺以行榮衛陰陽也又曰平肺來厭厭聶聶如落

榆莢曰肺平

莢葉同言浮  
薄而虛也

秋以胃氣為本病肺脈來

不上不下如循雞羽曰肺病死肺來如物之浮如風

吹毛曰肺死又曰真肺脈至大而虛如以羽毛中人

膚色白赤不澤毛折乃死冬胃微石曰平石多胃少

曰腎病但石無胃曰死石而有鈎曰夏病鈎甚曰今

病

水受火土之邪

藏真下於腎腎藏骨髓之氣也又曰平腎

脈來喘喘累累如鈎按之而堅曰腎平冬以胃氣為

本病腎脈來如引葛按之益堅曰腎病死腎脈來發

如奪索辟辟如彈

平聲

石曰死

奪索彈石言硬也奪索如兩人搶奪繩索各執

一頭中硬可知

又曰真腎脈至搏而絕如指彈石辟辟然黑

色色黃不澤毛折而死○人以水穀為本故人絕水

穀則死脈無胃氣亦死所謂無胃氣者但得真臟脈

不得胃氣也所謂脈不得胃氣者肝不弦腎不石也

順時節宣

春月順時節宣內經曰春月陽氣閉藏於冬者漸發於外故

宜發散以暢陽氣故有曰春三月此謂發陳天地俱  
生萬物以榮夜卧早起廣步於庭被髮緩形以使志  
生生而勿殺予而勿奪賞而勿罰此春氣之應養生  
之道也逆之則傷肝東垣曰木在時為春在人為肝  
在天為風風者無形之清氣也素問云春傷於風夏

生飡泄潛谿論曰慎起居忍嗜慾薄滋味行陰陽可  
以却病延年益壽云

夏月順  
時節宣

內經曰夏月人身陽氣發外伏陰在內是脫  
精神之時特忌下利以泄陰氣故又曰夏三月此謂  
蕃秀天地氣交萬物華實夜卧早起無厭於日使志  
無怒使英華成秀使氣得洩若所愛在外此夏氣之  
應養長之道也逆之則傷心經曰夏傷於暑秋必痲  
瘧潛谿論曰夏至一陰生當節嗜欲也

秋月順時節宣

內經曰秋月當使陽氣收斂不宜吐及發汗

犯之令人臟腑消鑠故又曰秋三月此謂容平天氣以急地氣以明夜卧早起與雞俱興便志安寧以緩秋形收斂神氣使秋氣平無外其志使肺氣清此秋氣之應養收之道也逆之則傷肺素問云秋傷於濕冬生咳嗽潛谿論曰養氣完形寡慾晉精肺金司秋之正令也

冬月順時節宣

內經曰冬月天地閉血氣藏伏陽在內心膈



多熱切忌發汗以洩陽氣故又曰冬三月謂之閉藏  
水冰地圻無擾乎陽早卧晚起必待日光使志若伏  
若匿若有私意若已有得去寒就溫無泄皮膚使氣  
亟奪此冬氣之應養藏之道也逆之則傷腎故曰冬  
傷於寒春必溫病故先王於是月閉關俾寒熱適中  
此為至要潛谿論曰人能為善行方便好事為一生  
之大藥何病之有

脾  
潛谿曰夫脾脈中宮之土也每季各旺十八日其

脈論寬而緩得旺相之本也人有寬懷情意若六月  
診之寬緩乃脾之正旺相之脈也是有喜之脈若撞  
指來往不足者此人為事有情渠不可猜也若見大  
小沈浮而緩者此為旺相之脈也

男子以氣為主故貴右手脈盛女子以血為主故貴  
左手脈盛然人之身氣為衛血為榮無分男女皆以  
胃氣為主故得穀者昌絕穀者亡又曰胃氣者中氣  
也慎言語則中氣不散而上越節飲食則中氣不滯

而下洩故易頤象曰君子慎言語節飲食頤者養也  
養生養德其可舍諸東垣李果專主脾胃胃制補中益  
氣湯且作箴自警知本哉

脾以養氣肺以通氣腎以泄氣心以役氣肝則氣常  
生心虛氣入為蕩肺虛氣入為喘肝虛氣入目昏腎  
虛氣入腰疼脾獨不與受食不化氣將日微安能有  
餘以入虛 曰脾之繫於生人大矣思則傷脾多食  
則胃塞而脾不能運亦受傷是以養脾者養氣也

養氣者養生之要也

曰心火不炎則無瘡瘍諸疾戒暴怒則無中氣諸疾  
夏至陰生絕慾至春分則無傷寒瘟疫諸疾此謂順  
天時法陰陽以自固求子則子壽養生則神怡

內經曰喜怒傷氣寒暑傷形 曰慎喜戒怒氣調矣  
禦寒避暑形固矣心主之也苟能雖喜忘喜不累於  
喜雖怒忘怒不累于怒雖寒忘寒不累於寒雖暑忘  
暑不累于暑形氣豫全何傷之有非至人曷足語此

五行人體性情圖

木火土金水

|   |   |   |
|---|---|---|
| 喜 | 怒 | 哀 |
| 魂 | 鬼 | 精 |
| 仁 | 義 | 智 |
| 臭 | 味 | 聲 |
| 肝 | 肺 | 腎 |
| 筋 | 骨 | 皮 |

數者所以順性命之理也一為水而腎其德智也二為火而心其德禮也三為木而肝其德仁也四為金而肺其德義也五為土而脾其德信也

宣明五氣

附

五味所入酸入肝辛入肺苦入心鹹入腎甘入脾是謂五入五氣所病心為噫肺為欬肝為語脾為吞腎為火為噎胃為氣逆為噦為恐大腸小腸為泄下焦溢為水膀胱不利為瘕不約為遺溺膽為怒是謂五

病 五精所并精氣并於心則喜并於肺則悲并於  
肝則憂并於脾則畏并於腎則恐是謂五并虛而相  
并者也五藏所惡心惡熱肺惡寒肝惡風脾惡濕腎  
惡燥是謂五惡 五藏化液心為汗肺為涕肝為淚  
脾為涎腎為唾是謂五液 五味所禁心走氣氣病  
無多食辛鹹走血血病無多食鹹苦走骨骨病無多  
食苦甘走肉肉病無多食甘酸走筋筋病無多食酸  
是謂五禁無令多食 五病所發陰病發於骨陽病

發於血陰病發於肉陽病發於冬陰病發於夏是謂  
五發 五邪所亂邪入於陽則狂邪入於陰則痺搏  
陽則為巔疾搏陰則為病陽入之陰則靜陰之陽則  
怒是謂五亂 五邪所見春得秋脈夏得冬脈長夏  
得春脈秋得夏脈冬得長夏脈名曰陰出之陽病善  
怒不治是謂五邪皆同命死不治 五藏所藏心藏  
神肺藏魄肝藏魂脾藏意是謂五藏所藏 五藏所  
主心主脈肺主皮肝主筋脾主肉腎主骨是謂五主



五勞所傷久視傷血久卧傷氣久坐傷肉久立傷骨  
久行傷筋是謂五勞所傷 五脈應象肝脈弦心脈  
鈎脾脈代肺脈毛腎脈石是謂五藏之脈

以誠感人者人亦以誠應以詐御人者人亦以詐應  
木火土金水之質在我為肝心脾肺腎木火土金水  
之神在我為仁義禮智信之德萬物備於我舉此亦  
可見

人身總論

學問之道崇德安身其要也然氣和則身安神存則德遂似乎二之矣孰知氣充乎體賴神以宰之養其氣正以存其神而身之安也其德之所由崇乎但先儒謂人以外物奉身事事要好只自家一箇身與心却不要好以愚觀之豈特不要好而已哉凡人于身外之物莫不知之詳處之當自以為智自以為能也及反諸一身其精神血氣骨骸脈理茫然莫之省焉尚可以為智且能乎夫人生長壽止百年耳百年之

外骨骸且莫之保也况外物乎胡為乎百年之中晝  
焉憧憧于營為夜焉擾擾于夢寐身心不獲一息自  
安而形神兩脫不自覺也試肯反而思之寧不自哀  
乎哉盖人身之造化即天地之造化也天地之大不  
外陰陽五行焉而人之為人亦同此陰陽同此五  
行也果能安身以崇德則人與天地可並立而為三  
矣試自人之形體言之外而四肢百骸內而五臟六  
腑豈判然不相關乎心火腎水肝木肺金脾土此人

身之五行也故五臟雖在內也然肺養皮毛心養血脈脾養肌肉肝養筋膜腎養骨髓內外本相貫也亦非五行各一其屬而不相涉也肺主聲也入心為言入肝為呼入脾為歌入腎為呻吟自入則為泣矣肝主色也入肺為白入心為赤入脾為黃入腎為黑自入則為青矣心主臭也入肝為臊臭入肺為腥臭入脾為香臭入腎為腐臭自入則為焦臭矣脾主味也入心為苦入肝為酸入肺為辛入腎為鹹自入則為

甘矣腎主液也入心為汗入肝為淚入肺為涕入脾  
為涎自入則為唾矣惟其自相貫通是以內外自無  
間隔肝竅于目而辨五色肺竅于鼻而別五香心竅  
於舌而知五味脾竅於口而納五穀腎竅于耳而通  
五聲故一歲之間肝主春而其脈弦象甲乙木也心  
主夏而其脈鉤象丙丁火也肺主秋而其脈毛象庚  
辛金也腎主冬而其脈石象壬癸水也脾雖旺于長  
夏而主乎四季弦鉤毛石一以脾胃為本象戊己土

也五行相生循環無端在天時為十二月在地支為十二位在人身為十二經曾何間乎非特一歲為然即一晝夜日經二十八宿周天三百六十五度而人身經脈與之相運旋而不停焉如子注膽丑注肝寅注肺卯注大腸辰注胃巳注脾午注心未注小腸申注膀胱酉注腎戌注心巳亥注三焦周而復始候脈者候此而已一歲春以肝為主乙日子以膽為主天地人身一氣周流合此為平太過則數不及則遲惟

人身違天地之中和而百病生焉者又豈特一日為然呼吸何其速也呼出心與肺吸入腎與肝呼為陽而應乎天吸為陰而應乎地一呼一吸與天地陰陽相貫徹也是故五行相生相尅要不出乎陰陽二者而已自頂至踵凡骨節皮毛臟腑經絡其所以相流通者不過精津涕唾血液而其所以運行之者非氣乎彼以氣血分陰陽者謂氣為衛衛行脈外血為營營行脈中氣血盛則脈盛氣血衰則脈衰氣血和則

脈平氣血亂則脈病氣血熱則脈數氣血寒則脈遲是亦不知脈與氣血一也不然任督二脈為一身陰陽之海元氣之會雖欲二之不可得也又有以魂魄分陰陽者氣之呼吸為魂耳目精明為魄魄主受納魂主經營故魄屬陰魂屬陽也然精氣為物游魂為變亦自有不可得而離者離之則非人矣或以臟為神氣所藏肝藏魂肺藏魄心藏神脾藏意與智腎藏精與志而謂之七神者然神豈有七乎蓋人心之



神乘氣機以出入雖曰神統於心氣統於腎其實神  
藏氣中猶天氣下降于地氣載乎神猶地道順承乎  
天故乾統天坤順承天乾坤合斯萬物由之以化生神  
氣合斯萬化由之以運用而坤道無成以代有終則  
又總歸之乾也氣載乎神而人身非神以為之主乎  
所以謂五行一陰陽陰陽一太極夫固三才合一之  
道韓持國問精住氣住神住之說明道總歸之求于  
心者此也故曰養德養生非二事而安身正所以崇

其德也。否則神不足以宰氣，喜怒哀樂失其節，而戕於中，寒暑燥濕失其調，而攻于外。五色適以害吾目，五聲適以害吾耳，五香五味適以害吾口，與鼻而百凡思慮適亂吾之心矣。心亂則神疲，神昏則氣衰，精血枯竭，神氣兩離，形且不能保矣。又何德之足云。即是觀之，人之元神完具，而和氣冲融于一身，常與陰陽五行相為貫徹，則天地合德，殆有不以生死為存亡者矣。非謂德盛則身可長生不死也。神本生生不

息即朝聞道可以夕死即三不朽而太上立德之謂也嗚呼世之人孰不欲其身之安使百病不相侵乎然未有不致中和以養其德而能安其身者有志之士孰不欲其德之修使百行之皆全乎然未有不能變理陰陽以養其身而能修其德者信乎養德養生安身崇德非二事也但養其小者為小人養其大者為大人志學者其明辨之

圖書編卷七十三